

ՈՒՂԵՐՁՆԵՐԻ 9-ՐԴ ՇՐՋԱՆ

20 դեկտեմբերի, 2008 թ. – 5 հունվարի, 2009 թ.

ՍԱՆԱՏ ԿՈՒՄԱՐԱ

20 դեկտեմբերի, 2008 թ.

ՆՈՐ ՕՐԸ ԲԱՅՎԵՑ

ԵՄ ԵՄ Սանատ Կումարան: Ես կրկին եկել եմ, որպեսզի Հաղթանակի գիտակցությունն ամրագրեմ ձեր գիտակցության մեջ... Եկել եմ, որպեսզի ուրախալի լուր լսեք ինձնից... Եկել եմ, որպեսզի հոչակեմ ձեր անձնական այն Հաղթանակը, որին դուք հասաք Երկիր մոլորակի ֆիզիկական ոլորտում:

Երևի հույզերի նման զեղում ինձնից չէիք սպասում... Ինչ ասեմ. ես երկար ժամանակ լուռ դիտում էի, թե ինչ է տեղի ունենում մոլորակի վրա և մեր դեսպանորդի Աշրամում: Իսկ գիտե՞ք, թե որքան սուր է հակադրությունը: Մեր Աշրամում ամեն ինչից զգացվում է ժամանակի շունչը: Մեր Աշրամում զարուհուն է թևակոխել և տարածել իր բույրը նույնիսկ ձմռան կեսին: Քանզի այստեղ ծիլ է տալիս նոր գիտակցությունը, և այստեղ մենք հոչակում ենք մեր և ձեր Հաղթանակը. քանզի ձեզնից յուրաքանչյուրն, ով մասնակցել է Աշրամի շինարարությանը, հավանաբար այդ Հաղթանակը նաև իր սեփական Հաղթանակն է համարում: Եվ դա ճիշտ է. դա հենց այն է, ինչ ակնկալում են ձեզնից Երկնադրոսները. որ սկսեք մեր գործերն ու պլանները դիտել որպես ձեր անձնական գործերն ու պլանները: Եվ այլ կերպ չի կարող լինել: Դուք մեզ համար որպես ոտք ու ձեռք եք ծառայում ֆիզիկական ոլորտում, և մեր համագործակցությունը դեռ նոր է սկսվել:

Այժմ կուզենայի խոսել գլխավորի մասին: Իսկ գլխավորն այն է, որ մենք կրկնակի էներգիայով կշարունակենք մեր դեսպանորդի միջոցով տարվող աշխատանքը: Դուք դիմացաք քննությանը: Խոսքս այն մասին է, որ անասելի ջանքերի գնով ու բոլոր ուժերի կենտրոնացմամբ կառուցվեց Ուսումնական Կենտրոնի շենքը, և մենք երկրագնդի վրա ձեռք բերեցինք մի կետ, որից մեր տարածքում կարող ենք տալ մեր Ուսմունքը:

Մենք արդեն Լուսիսի մի շարք կիզակետեր ենք տեղադրել Աշրամի տարածքում: Եվ ես պետք է ասեմ, որ դա միայն սկիզբն է: Եվ եթե մենք ամեն օր անխոնջ կերպով շարունակենք հարկ եղած ուղղությամբ գործադրել մեր համատեղ ջանքերը, ապա շատ շուտով մեր ստացած արդյունքները

կգերազանցեն ամենահանդուգն սպասելիքներն ու երևակայությունը:

Ջի Երկրի մարդկանց առավելապես այժմ, քան երբևէ նախկինում, անհրաժեշտ է ունենալ Լուսիսի Փարոս, որը ճշտորեն ցույց տա Ուղին այն փոթորիկների ու մրրիկների պայմաններում, որոնցում գտնվում է մոլորակը: Իսկ ձեզ հայտնի է, որ եթե ձեր դասասենյակներում գտնվելու հետ կապված մեր ներկայությունն առկա է մոլորակի վրա, ապա ոչինչ չի կարող սպառնալ այն երկրին, որը մեզ օթևան է տվել:

Մենք խիզախորեն ենք նայում ապագային և հույսեր ենք կապում ձեր հետագա օգնության ու օժանդակության հետ:

Այս փոքրիկ քայլն իրապես ամենակարևորն ու դժվարինն էր, քանի որ միշտ էլ սկզբում դժվար է լինում հաղթահարել մատերիայի դիմադրությունը. այն չի ուզում հրաժեշտ տալ նախկին թրթռանքներին և անցնել դրանց նոր մակարդակին: Մատերիան դանդաղում է և չի շտապում դուրս գալ բազմադարյան քնի վիճակից: Մակայն Նոր Օրվա լուսաբացն արդեն ցույքեր է տվել:

Մենք ձեզ ասում ենք այն մասին, որ Երկրի վրա Նոր Օր է բացվում: Եվ այդ Օրն ավելի երջանիկ կլինի, քան մարդկության պատմությունը երբևէ իմացել է իրեն հայտնի բոլոր պատմական դարաշրջանների ընթացքում:

Մի երկյուղեք այն դժվարություններից, որոնք իրենց հետ կրերեն բարեփոխումները: Ողջ հնացածն ու անպետքը հարկ կլինի նետել պատմության աղբանոցը: Խանգարող ամեն ինչը հարկ կլինի հեռացնել Ուղուց և այրել տիեզերական հնոցում:

Փոխարենը մենք լայնորեն տիեզերական հնարավորության դուռ ենք բացում այն անհատների առջև, ովքեր պատրաստ են բարեփոխումներին և հոգնել են ներկայիս քաղաքակրթության աղտոտված պայմաններում ապրելուց:

Բարի մո'տք ձեզ դեպի լուսավոր վաղվա օր... Մակայն մի մոռացեք, որ այդ լուսավոր վաղվա օրը կկառուցվի ձեր օգնությամբ՝ ձեր ձեռքերով ու ոտքերով, ձեր սրտերի մղումներով:

Մենք միայն ցույց ենք տալիս Ուղին և այն ուղղությունը, որով պետք է ընթանա մարդկության հետագա զարգացումը: Դուք ձեր սրտերի մեջ պետք է ներառեք մեր Ուսմունքն ու Նոր Աշխարհի կառուցման սկզբունքները: Եվ այդ դեպքում համատեղ ջանքերով ամբողջ մոլորակն անցում կկատարի Նոր Օրվան:

Իսկ հին աշխարհից մոտ ապագայում ոչ մի հետք չի մնա: Տիեզերական հնարավորության դռները լայնորեն բացված են: Սակայն ձգտեք այդ դռներով անցնել գլոխներդ բարձր, ուսներդ շտկած և ձեր երթը զարդարեք ուրախ ժպիտներով:

Դուք պետք է հասկանաք, որ այնժամ, երբ բացվում է նոր աստվածային հնարավորություն, գալիս է մի շրջան, երբ վերջին դարերի ընթացքում մարդկության ստեղծած բոլոր հին սահմանակարգերը կան պետք է ձևափոխվեն՝ ըստ նոր սկզբունքների, կան սրբվեն՝ որպես անպետք աղբ, որպեսզի դրանց տեղում ձևավորվեն հասարակության կառավարման նոր սկզբունքներ: Երբեք պետք չէ կառչել հնից ու իր դարն ապրածից: Մենք ձեզ ուսուցանում ենք պատրաստ լինել մշտական փոփոխությունների և Բարձրագույն աշխարհների հետ մշտական համահնչունության: Ձեզնից միայն նրանք ունակ կլինեն անցավ կերպով հարմարվելու ներկայումս աշխարհ մուտք գործող նոր պայմաններին, ովքեր չեն երկյուղում բարեփոխումներից ու փոփոխություններից: Իսկ նրանք, ովքեր կառչած են մնում հին սովորություններից ու կապվածություններից, կապրեն շատ ծանր ժամանակներ: Ցավոք, այլևս հետ մնացող-

ներին սպասելու ժամանակ չկա: Մենք արագացնում ենք Երկիր մոլորակի վերափոխությունների տեմպերը:

Եթե ուշադրությամբ մեկ առ մեկ վերընթերցեք մեր թեղադրությունները, ապա շատ բանալիներ և օգտակար տեղեկություններ կստանաք այն մասին, թե ինչպես վարվեք այս բարդ անցումային ժամանակահատվածում:

Մի ծուլացեք: Գիտակցեք, որ մեր ուղերձները պարզապես կարդալը բավարար չէ. հարկավոր է, որ շատ մանրագնին կերպով ձեր կյանքում հետևեք մեր տված հանձնարարականներին ու խորհուրդներին: Եվ այդ դեպքում անհամեմատ ավելի հեշտորեն կդիմագրավեք ու կհաղթահարեք այն փորձությունները, որոնք սպասվում են և դեռ նոր են սկսվել:

Ձեզ շատ քիչ ժամանակ է մնում: Ուստի ձեզ համար պետք է կանոն դարձնեք ամեն օր կյանքի կոչել մեր հանձնարարականներից գոնե մեկը, մեր տված գոնե մեկ կանչը:

Եթե դուք թեկուզ մեկ փոքրիկ քայլ չկատարեք, ապա ավելի ու ավելի հետ կմնաք և վտանգի տակ կդնեք բացված աստվածային հնարավորությունից ձեր օգտվելը:

Մենք սանում ենք՝ ներդնելով բոլոր ուժերը: Մենք պատրաստ ենք ընթացող բարեփոխումներին: Մնում է, որ դուք էլ միանաք մեզ:

Արթնացրեք նրանց, ովքեր դեռ քնած են: Դրսում Նոր Օրն է բացվել արդեն...

ԵՍ ԵՄ Սանատ Կուճարան, Եղա ձեզ չեա

ՏԵՐ ՍՈՒՐԻԱ

21 դեկտեմբերի, 2008 թ.

ՀԱՂԹԱՀԱՐԵԼՈՎ ԻՆՔՆԵՐԴ ՁԵՁ՝ ԴՈՒՔ ՓՈՒՍՈՒՄ ԵՔ ՁԵՐ ԱՇԽԱՐՀ

ԵՍ ԵՄ Սուրիան՝ տիեզերակենտրոն Մեծ Կենտրոնական Արևից կրկին ձեզ այցի եկածը:

Ես եկա ձեր նկատմամբ տաճած սիրո թևերով, ով Երկրի զավակներ: Ես սիրում եմ Երկրի մարդկանց, և մեր ամեն մի հանդիպումն ինձ համար այնպիսի կարևոր ուղենիշ է, որով դուք մերձենում եք ինձ՝ մերձեցնելով մեր աշխարհները:

Մեզ բաժանող տարածությունը թռիչքով անցնելու ընթացքում ես խորհում էի այն մասին, թե երբեմն որքան քիչ բան է անհրաժեշտ, որպեսզի տեղի ունենան այն փոփոխությունները, որոնց մասին մենք ասում ենք, փոփոխություններ, որոնց

շնորհիվ մարդկությունը կկարողանար հաղթահարել գիտակցության բացասական վիճակները և դուրս գալ դեպի տիեզերական լայնարձակություն:

Որքան ցավալի է, որ ես չեմ կարող ձեզ հաղորդակից դարձնել այն անսահման Ազատության և անափ Սիրո վիճակին, որում գտնվում եմ ինքս: Որքան ցավալի է, Երկրի զավակներ, որ ձեզնից միայն որոշներն են ունակ կարդալու իմ այս ուղերձը...

Ձեր մոլորակի ճակատագիրը կախված է այն բանից, թե որքանով կկարողանաք ընկալունակ դառնալ նրբին էներգիաների նկատմամբ՝ այն

նուրբ թրթռանքների նկատմամբ, որոնցով հագեցած է ողջ տիեզերքը: Որքան հաջող կկարողանաք համալարվել նուրբ աշխարհների հետ, նույնքան հաջող էլ տեղի կունենա Երկրի անցումը նոր էվոլյուցիոն մակարդակի վրա: Հավատացե՛ք ինձ, որ գոյություն ունեն հսկայական քանակությամբ առավել լավ աշխարհներ: Եվ դրանք սպասում են ձեզ, բաց են ձեր այցելության համար: Միայն ինքներդ եք արգելակում ձեր էվոլյուցիոն զարգացման գործընթացը: Միայն ինքներդ եք ձեզ սահմանազատում այն ամեն լավից, որ գոյություն ունի արար տիեզերքում:

Որքան շատ հոգիների է օթևան տվել ձեր մոլորակը: Իրապես, դուք անգին պարզև եք մեզ համար: Մի պահ պատկերացրե՛ք, որ գալիս եք մանկապարտեզի մտուրային խումբ ու հանդիպում երեխաների պրպտուն ու պարզ հայացքներին: Երբ նուրբ աշխարհում ինձ վիճակվում է հանդիպել ձեր հոգիներին, նայում եք ինձ հենց այդպիսի հայացքներով՝ լի գիտելիքի, սիրո և հայտնության փափագով:

Ձեր ֆիզիկական թաղանթները երբեմն իրենց տակ թաքցնում են շատ խոցելի մանկական հոգիներ: Ձեր աշխարհում դուք ստիպված եք լինում հասուն մարդկանց դերեր խաղալ, բայց ձեր հոգիները նախկինի պես շարունակում են մնալ պրպտուն, քնքուշ ու վախվորած: Ձեր հոգին ձեր ներքին երեխան է, որն ապրում է ձեր ներսում: Եվ որքան լավ կլինեք, եթե երբեմն սեր առաքելիք ձեր հոգուն, զրուցելիք նրա հետ և պարզելիք, թե արդյոք նա որևէ բանի կարիք չի գգում:

Երբեմն ձեր հոգիները տառապում են ձեր աշխարհում գոյություն ունեցող անտանելի պայմանների պատճառով: Եվ եթե կարողանայիք լսել, թե ինչ է խնդրում ձեր հոգին, ապա կիմանայիք, որ նա լի է այն սահմանափակումներից ձերբազատվելու ցանկությամբ, որոնք առկա են ձեր աշխարհում, և մղվելու դեպի տիեզերքի լայնարձակությունը:

Ցավոք, բազմաթիվ մարմնավորումների կարման ձեզ ստիպում է կապկպված մնալ Երկրին: Եվ քանի դեռ չեք համակշռել ձեր կարման, գերի կմնաք Երկիր մոլորակի ֆիզիկական ոլորտին: Բայց հենց որ կարմայական բեռն ավելի թեթև դառնա, կկարողանաք այլ կերպ զգալ կյանքը, և կյանքի յուրաքանչյուր բույն ձեզ հրճվանք ու երանություն կպարզևի: Կցնդեն ձեր երկյուղները, կվերանան կապվածությունները, և դուք կրկին կվերածվեք պրպտուն մանուկների ու հրճվանքով ձեր ներսը կքաշեք Աստծո գիտությունը:

Իսկ հիմա ձեր վիճակը ծանր է, որովհետև օրերը խտացվել են, և ժամանակն ընթանում է արագացված տեմպով: Արդեն քիչ ժամանակ է մնացել, և այդ ընթացքում դուք պետք է հասցնեք շատ բան անել: Ուստի նույնիսկ այնժամ, երբ տխուր մտքեր ու տրամադրություններ են այցելում ձեզ, ջանք թափեք, որպեսզի ձեր վրայից թոթափեք այդ տխրությունն ու թախիծը: Ձեր փրկու-

թյունն այն կլինի, որ կարողանաք մշտապես պահպանել ձեր գիտակցության վերամբարձ վիճակը: Երբ ձեր թրթռանքը բարձր է, դուք Բարձրագույն աշխարհների հետ համահնչունություն եք պահպանում, և ձեր կյանքում հեշտանում է կողմնորոշիչները պահպանելու գործը: Մտորե՛ք նաև այն մասին, որ պետք է օգնեք ձեր կողքին գտնվող շատ հոգիների, որոնք զգում են ձեր օգնության կարիքը: Նրանք Ուամունքի մասին ոչինչ չգիտեն և չեն հիշում, թե որտեղից են եկել և ո՞ր են գնում: Գոյության անիմաստությունը ստիպում է նրանց շատ սխալներ թույլ տալ՝ դատարկ տեղը վատնելով ժամանակն ու Աստծո էներգիան:

Ձեր աշխարհը Լույսի, Սիրո, Բարձրագույն օկտավաների թրթռանքի կարիքն ունի, և ձեզնից ամեն ոք, սիրելիներս, ձեր աշխարհի համար կարող է ծառայել որպես ուրախության, երջանկության, Լույսի ու Բարության աղբյուր: Բավական է միայն որոշում ընդունել և օգնել բոլորին, ովքեր ունեն դրա կարիքը՝ ոչ թե ելնելով շնորհակալանքի խոսքեր վաստակելու ցանկությունից, այլ գործելով հոգու, սրտի պահանջով: Ձեր աշխարհն Աստծո էներգիա փոխանցողների կարիքն ունի: Մտորե՛ք այն մասին, թե որքան ավելի լավ կլինեք ձեզ համար, եթե դադարելիք տրտնջալ ձեր վատ բաժնեմասից և այլ դեր ընտրելիք ձեզ համար՝ Բարձրագույն աշխարհների էներգիաները ձեր աշխարհ փոխանցողի դերը:

Ես այս օրով եկա, որ ձեր սրտերը լցնեմ հրճվանքով, երջանկությամբ ու խաղաղվածությամբ: Իմացե՛ք, որ դուք միայնակ չեք: Եվ ժամանակի այն հատվածը, որով անցնում է մոլորակը, շուտով կավարտվի: Եվ դա կնմանվի ձմեռվանից հետո գարնան գալուն: Ձեր գիտակցության արևը կոչված է լուսավորելու ձեր աշխարհի խավարը: Ուստի ամեն անգամ, երբ ձեզ համար ծանր է լինում, էներգիան չի բավականացնում, հիշեցե՛ք Մեծ Կենտրոնական Արևի հետ համալարվածության այն թողության շնորհը, որը ձեզ տրվեց անցած տարվա ընթացքում: Ես կգործադրեմ բոլոր ջանքերը, որպեսզի այդ թողության շնորհից դուք օգտվեք նաև հաջորդ տարվա ընթացքում և այնքան ժամանակ, քանի դեռ աշխարհը դուրս չի եկել իր զարգացման խավար շրջանից:

Այն պայմանները, որոնցում դուք ստիպված եք գոյատևել, ձևավորվել են միլիոնավոր տարիների ընթացքում: Եվ այժմ մեզ համար հեշտ խնդիր չէ, որ կարողանաք հնարավորինս նվազագույն կորուստների գնով բարձրացնել մոլորակի թրթռանքների մակարդակը: Ուստի ես մեծ հույսեր եմ կապում այն օգնության հետ, որը դուք ի վիճակի եք ցուցաբերելու: Ես հուսով եմ, որ կկարողանաք ավելի շատ դիմանալ ու պահպանել ձեր գիտակցության վերամբարձ վիճակը, որքան էլ որ ծանր լինի ձեզ համար:

Արտաքին քառսի և աններդաշնակության պայմաններում որքան շատ ունակ լինեք պահպանելու

ձեր ներքին հանդարտությունն ու ներդաշնակությունը, այնքան ավելի բարձր կլինի ձեր հոգևոր նվաճումների մակարդակը:

Կար ժամանակ, երբ Աստուծո Իսկության և Աստուծո Ճշմարտության դիրքերը պաշտպանվում էին մարտադաշտերում: Այժմ ձեզ համար անհամեմատ ավելի դժվար է, քանի որ մարտադաշտ չկա, բայց դուք ստիպված եք դիմանալ ձեր աշխարհում ընթացող ճակատամարտի հսկայական լարվածությանը: Պարզապես ճակատամարտն ընթանում է բոլորովին այլ պայմաններում: Եվ դուք ստիպված եք լինում ջանքեր թափել դատավարություններում, տարբեր կազմակերպություններում, մերձավոր-

ների, աշխատակիցների և հարևանների հետ ունեցած ձեր փոխհարաբերություններում: Ճակատամարտի դաշտի ընդգրկումը ոչ միայն չի նվազել, այլև իր մեջ ներառել է հենց ձեր տան ներսը:

Ամեն ինչ կախված է այն բանից, պաշտելիներս, թե որքանով ունակ կլինեք բարձր մակարդակի վրա պահելու ձեր գիտակցությունը կյանքի ամենաձանր իրավիճակներում:

Հաղթահարելով ինքներդ ձեզ՝ դուք փոխում եք արտաքին իրադրությունը և դրանով իսկ փոխում եք ձեր աշխարհը:

ԵՄ ԵՄ Սուրբան

ՎԵՀԱՊԵՏ ՀԻԼԱՐԻՈՆ

22 դեկտեմբերի, 2008 թ.

ԴՈՒՔ ՈՒՆԱԿ ԵՔ ԱՆՀԱՄԵՄԱՏ ԱՎԵԼԻՆ ԱՆԵԼՈՒ, ՔԱՆ ԱՆՈՒՄ ԵՔ

ԵՄ ԵՄ Հիլարիոնը՝ օրվա խրատները տալու նպատակով ձեզ այցի եկածը:

Եկել եմ, որպեսզի ոչ մեծ մի Ուամունք տամ, որն առնչվում է այն բանի հետ, թե ինչպե՞ս վերաբերվեք ձեր շուրջը տեղի ունեցածին և ձեր շրջապատի ամեն ինչին: Քանի որ հավանաբար արդեն նկատել եք, որ ձեր շուրջը փոփոխություններ են տեղի ունենում (իսկ դա ակնհայտ է դառնում ավելի ու ավելի մեծ քանակի մարդկանց համար), ապա հարց է ծագում, թե ինչպե՞ս դա ընկալել և ինչպե՞ս դրան վերաբերվել:

Նկատած կլինեք, որ այդ փոփոխություններն առնչվում են բոլորի ու ամեն ինչի հետ՝ և՛ ձեր մերձավորներ ու ծանոթների, և՛ Երկրի իրադրության, և՛ կլիմայի: Եվ քանի որ դա ավելի ու ավելի ակնհայտ է դառնում, ապա շատերն սկսում են երկյուղել այդ փոփոխություններից, սպասում են աշխարհի վերջին, վերահաս համադեղի ու էլի ինչ-որ անավոր և անխուսափելի բանի:

Ենթագիտակցորեն մարդիկ զգում են, որ իրենց կողմից վիթխարի բացասական, ընդհանրական կարմա է կուտակված: Նաև ենթագիտակցորեն սպասում են, որ այդ կարման այս կամ այն եղանակով բեռնաթափվի: Ես կարող եմ ձեզ հավաստիացնել, որ Երկրի մարդկության գլխին կուտակված կարման իրոք հսկայական է, և մարդկության զարգացման պատմության ընթացքում այն դեռ երբեք այսքան չէր ծանրացել:

Իմ այս հայտարարությունը կարող է ձեզ էլ ավելի անհաբեկել ու շփոթեցնել: Բայց ամենայն պատասխանատվությամբ կարող եմ նաև հավաս-

տիացնել, որ Երկրի վրա գոյացած այս իրավիճակն իր մեջ ներքաշել է ողջ տիեզերքի բարձր զարգացած էակների շատ հոծ բազմություն: Եվ շատ բանական էակներ համատեղ ուժերով ջանում են ուղղորդել մոլորակի իրադրությունը դեպի հնարավորինս անվտանգ հուն: Իդեալական կլիներ, եթե հաջողվեր ուղու այս նեղ հատվածն անցնել մարդկային գոհերի ու կորուստների նվազագույնով:

Իրավիճակը բարդացնում է և այն, որ մարդկությունն իր հիմնական զանգվածով չի լսում մեր նախագգուշացումները և չի արձագանքում մեր խնդրանքներին: Մենք որոշակի չափով կարող ենք համակշռել մոլորակի իրավիճակը, սակայն, որպեսզի ամեն ինչ լուծվի դրականորեն, պահանջվում է ձեր մասնակցությունը. պահանջվում է, որ փոխվի Երկիր մոլորակի վրա ներկայումս մարմնավորված հնարավորինս մեծ թվով մարդկային անհատների գիտակցությունը:

Մեր ջանքերը մենք գործադրում ենք հիմնականում այն ուղով, որ ձեզ հասու դարձնենք գործընթացների լրջությանը: Մենք չենք թաքցնում, որ իրավիճակը մինչև այս պահը դեռևս բարենպաստ չէ: Ուստի կոչ ենք անում ձեզ՝ լսելու ունակներիդ, որ ավելի վճռական քայլեր ու գործողություններ ձեռնարկեք ֆիզիկական ոլորտում: Դա չի նշանակում, որ օրվա մեջ 24 ժամ պետք է աղոթեք, այլ նշանակում է, որ նախ ինքներդ պետք է լիովին գիտակցեք Կարմայի Օրենքի գործելակերպը, ապա այդ գիտելիքը փախանցեք հնարավորինս շատ մարդկանց՝ նրանց, ովքեր ի վիճակի են դա հասկանալու:

Կարման միշտ չէ, որ կապված է ֆիզիկական ոլորտի կոնկրետ գործողությունների հետ: Դրա մեծ մասը, հատկապես ձեր օրերում, ստեղծվում է մտքերով ու զգացմունքներով:

Դուք նույնիսկ քնած ժամանակ եք կարմա ստեղծում: Եվ եթե քնից առաջ չեք համալարվել բարձրաթրթիռ լադով, ապա կարող եք հայտնվել նուրբ աշխարհի ոչ այնքան լավ շերտերում և, դրանով իսկ մեծացնել ձեր կարմայի բեռը:

Ուստի առաջնահերթ խնդիր է դառնում այն, որ մշտապես հետևեք ձեր մտքերին ու զգացմունքներին: Եթե ձեր մտահղացումները մաքուր լինեն, ապա ֆիզիկական ոլորտի ձեր գործողությունները կհամապատասխանեն Աստծո Օրենքին:

Իսկ այժմ եկեք լայնորեն տարածված մի իրավիճակ քննարկենք ձեր կյանքից: Ասենք, ուզում եք ինչ-որ բան ձեռք բերել: Կարևոր չէ, թե ինչ՝ ձեր հրապուրանքի առարկան, մեծ գումար, իշխանություն, փառք, շատ են նմանատիպ հրապուրանքները ձեր աշխարհում: Հենց որ որևէ ցանկություն կամ հրապուրյր ծագում է ձեր ներսում, անմիջապես ձեր մարմնական խելքը սկսում է փնտրել այն ուղիներն ու եղանակները, որոնք ձեր ուզածը կհասցնեն ձեզ: Եվ շուտով դուք ստանում եք ձեր ուզածի վկայումները: Տարածությունը հնազանդորեն արձագանքում է ձեր մտահղացմանը, և դուք լսում եք այն, ինչ կուզենայիք լսել, տեսնում եք այն, ինչ կուզենայիք տեսնել: Իսկ մեր ու մեզ հետ համահունչ մարդկանց փաստարկներն այդ դեպքում ձեզ վրա ոչ մի ազդեցություն չեն գործում:

Ահա այդպես դուք ենթարկվում եք պատրանքին և հայտնվում պատրանքի գրկում: Մակայն ձեր ցանկությունը միշտ ունի իր ծագման սկզբնական պահը: Եվ հենց այդ պահը դուք կարող եք վերահսկել, որովհետև ուժեղ եք դրանից: Բավական է, որ ենթարկվեք ձեր ցանկությանը, և ձեր հսկողությանը հանձնված Աստծո էներգիան կսկսի ուժեղացնել ու ամրապնդել ձեր այդ ցանկությունը: Այդպիսով դուք ձեր միջով անցնող Աստծո էներգիան կուղղորդեք ոչ Աստծո Օրենքին համապատասխան: Եվ ավելի ու ավելի մեծ կարմա կստեղծեք: Այդ կարման փակում է ձեր աչքերը, ձեր ցանկությունն ավելի ու ավելի է մեծանում,

և արդեն ոչ թե դուք եք ղեկավարում ձեր ցանկություններն ու մտքերը, այլ այն հրեշը, որին ինքներդ եք ձեր մեջ աճեցրել. այն տիրում է ձեզ և օգտագործում իր նպատակների համար:

Մարդկանց մեծ մասը, ցավոք, հաշիվ չի տալիս իրեն, թե ինչ է տեղի ունենում, և չի կարողանում սևեռել այն պահը, երբ իր մեջ ծագում են ոչ ճիշտ մղումներ կամ ցանկություններ:

Որպեսզի կարողանաք վերահսկել ինքներդ ձեզ, պահանջվում է շատ մեծ ներքին կարգապահություն և սեփական հետաքրքրությունները Վեհա պետների, Համընդհանուր Բարիքի ու Բարու հետաքրքրություններին ենթարկելու կարողություն:

Եվ դա հենց այն է, ինչը մենք գալիս և ուսուցանում ենք: Դա հենց այն Ուսմունքն է, որը մենք ձեզ տալիս ենք անխնայ կերպով:

Հենց որ հասնում եք կրթվածության որոշակի աստիճանի, սկսում եք հասկանալ Աստծո էներգիայի փոխանցատման մեխանիզմը և ունակ եք դառնում հետևելու ձեր գիտակցության ներքին անկատար վիճակին ու այն հաղթահարելու: Անցնում է ևս մի փոքր ժամանակ, և արդեն ունակ եք դառնում նկատելու, թե ինչպես են նման անկատար վիճակները ծագում այլ մարդկանց մոտ:

Հետևաբար արդեն կարող եք սովորեցնել ձեր մերձավորներին, որ նույն կերպ վարվեն: Կարող եք պատմել ձեր երեխաներին ու թոռներին, թե ինչպես է գործում Կարմայի Օրենքը. դրանով դուք կարող եք կանխել նոր կարմայի առաջացումը և սովորեցնել նրանց, թե ինչպես, դժվարին իրադրություններում ճիշտ ընտրություն կատարելով, բեռ նա թափեն նախկինում ստեղծած իրենց կարման: Դուք ունակ եք անելու անհամեմատ ավելի, քան անում եք: Մենք ակնկալում ենք, որ կյանքում դուք կենդանի օրինակ կձառայեք: Փոփոխությունների գործընթացը սկսեք ձեզնից: Բոլոր գործիքները ձեզ տրված են: Եվ այն, ինչ դուք կարող եք անել Երկիր մոլորակի մարդկության համար, մենք չենք կարող անել մեր համբարձյալ դիրքից:

Մի՛ գլացեք գործնականում կիրառել մեր տված Ուսմունքը յուրաքանչյուր օր:

ԵՍ ԵՄ Հիլարիոնը

ԵՍ ՈՒՆԱԿ ԵՄ ՕԺՏԵԼՈՒ ԶԵՐ ԷՈՒԹՅԱՆԸ ԿԵՆՍԱԿԱՆ ՈՒԺԻ ԵՎ ԷՆԵՐԳԻԱՅԻ ԼՐԱՑՈՒՑԻՉ ԾԱՎԱԼՈՎ

ԵՍ ԵՄ Հելիոսը, ձեզ այցի եմ եկել այս օրով, երբ մարդկության մեծ մասը, որն ապրում է հյուսիսային կիսագնդում, արևային էներգիայի պակաս է զգում:

Ինչ արած, դա օրինաչափ է և պայմանավորված է տարեկան շրջանով:

Ես եկել եմ իմ ուրախության մի փոքր մասը ձեզ պարզևեղու և ձեր սրտերը սիրով ու քնքշությամբ լցնելու, որի կարիքը նույնպես ունեք այս ձմեռային օրերին:

Ես եկել եմ նաև այն բանի համար, որպեսզի հայտնեմ ձեզ, որ ինչքան էլ ձեզ անելանելի ու փակուղային թվա ֆիզիկական աշխարհի ձեր կեցությունը, և որքան էլ ձեզ ճնշի շրջակա իրադրությունը, այնուամենայնիվ ամեն ինչ կարելի է փոխել ու կարգի բերել:

Ձեր աշխարհը հնազանդ գործիք է ձեր ձեռքին: Եվ ձեզ մնում է միայն հիշել, որ դուք աստվածներ եք, և ինքներդ եք ձեր աշխարհը ստեղծել՝ ըստ ձեր պատկերի և նմանության: Եվ եթե հիմա արդեն հասկացել եք, որ ամեն ինչ կարելի փոխել, հարկ է, որ անմիջապես ձեռնամուխ լինեք այդ գործին և սկսեք բարեփոխումների գործընթացը: Հենց որ բարեփոխումների գաղափարը մուտք գործի բավարար մեծ քանակությամբ մարդկանց գիտակցության մեջ, այդ բարեփոխումները մտքերի ու զգացմունքների ավելի նուրբ աշխարհներից կսկսեն իջնել ձեր ֆիզիկական աշխարհը: Ուստի հարկ չկա, որ հապաղեք: Ես ինքս էլ կօգնեմ ձեզ այդ բարեփոխումների գործընթացում:

Այն դեպքերում, երբ ուրախության, առույգության և արևի պակաս եք զգում, կարող եք օգնության խնդրանքով դիմել ինձ: Քանզի ես ունակ եմ օժտելու ձեր էությանը կենսական ուժի և էներգիայի լրացուցիչ ծավալով:

Հարկ կլինի, որ դուրս գաք արևի տակ կամ պատկերացնեք, որ գտնվում եք արևի ճառագայթների ներքո, որը ձեզ լույս է առաքում Երկնքից: Եվ երբ ձեր ողջ էությամբ կզգաք արևից ճառագվող ջերմությունն ու էներգիան, ապա խնդրեք ինձ. «Հանուն ԵՍ ԵՄ ՈՐ ԵՄ, պաշտելի՛ Հելիոս, ինչդրում եմ, մաքրի՛ր իմ սուրբն ու չակրաներն այն ամենից, ինչն Աստծուց չէ, և լցրու՛ իմ էությունը քո էներգիայով, արևային էներգիայով»:

Ձեր այդ կոչը դուք կարող եք հղել ամեն օր՝ անկախ օրվա ժամից, բայց այն կլինի ամենագոր-

ծունը, երբ արևը զենիթում է, և այն դեպքում, երբ ձեր ողջ էությամբ շրջվել եք դեպի արևը:

Ես կարող եմ և ունակ եմ, ձեր կոչին արձագանքելով, օգնել ձեզ, եթե միայն դիմեք ինձ:

Ես նաև շատ լավ հասկանում եմ, որ ձեզ համար երբեմն այնքան ծանր է լինում, որ նույնիսկ ուժ չեք գտնում այդ կոչը հղելու: Նման դեպքում ես ձեզ խորհուրդ կտայի, որ ձեր աչքերի առջև պահեք ծագող արևի լուսանկարը կամ արևի ցանկացած պատկեր: Արևը շատ կարևոր դեր է խաղում ինչպես ձեր, այնպես էլ բոլոր կենդանի էակների կյանքում: Այդ պատճառով ձեզ համար շատ օգտակար կլինի արևի վրա մտասևեմվելը: Այն ձեզ ուժ ու եռանդ կհաղորդի:

Ձեր աշխատավայրում կամ բնակարանում ունեցեք արևի լուսանկարը:

Այն ամենը, ինչով շրջապատված եք, ձեզ վրա անհամեմատ ավելի մեծ ազդեցություն է թողնում, քան կարող եք պատկերացնել: Ուստի ձեզ շրջապատեք ճիշտ նմուշներով, ձգտեք լինել ներդաշնակ վիճակում, և այնքան ձեր շատ հոգեբանական խնդիրներ կամ ձեզ ամբողջովին կլքեն, կամ էլ այնքան կթուլանան, որ ձեզ այլևս չեն բթացնի:

Ես միշտ ձգտում եմ իմ ողջ հնարավոր օգնությամբ աջակցել բոլոր կենդանի էակներին: Եվ այն դեպքերում, երբ մտածում եք, թե ձեզ ոչ ոք չի տեսնում, սխալվում եք. ես սիրում եմ հետևել ձեզ, փառաքել ու շոյել ձեր դեմքերը:

Հավանաբար դուք չեք էլ ենթադրում, որ արեգակնային համակարգության ձեր արևը ոչ միայն էներգիայի աղբյուր է ձեզ համար, այլ նաև ձեր վաղեմի ընկերն ու օգնականն է:

Ես ոգի եմ տալիս ֆիզիկական արևին և կանգնած եմ երևակված արևի թիկունքում: Ուստի, այն բանից, թե որքանով կկարողանաք կարգավորել ձեր անձնական փոխհարաբերությունն արևի և ինձ հետ, կախված է այն, թե որքան աստվածային սկզբունքներ կկարողանաք մտցնել ձեր աշխարհը:

Որպեսզի Լույս մտցնեք ձեր աշխարհ, պետք է համահունչ դառնաք Լույսի հետ: Դա ավելի հեշտ կլինի անել, եթե համահունչ դառնաք ինձ հետ: Ես իրապես ձեր ընկերն ու օգնականն եմ ձեր Ուղու վրա:

Փունք տվեք ինձ, փառաբանեք ամեն մի լուսաբացը, վայելեք իմ ջերմությունը, որքան կարող եք: Ներկայումս իմ ճառագայթներն այլ կերպ են

լույս տալիս: Հիմա իմ ճառագայթներն արթնացնում են ձեր մեջ ձեր աստվածային բնույթը: Եվ, երևի, արդեն սկսել եք նկատել, որ օրվա ընթացքում թեկուզ կարճ ժամանակով արևի տակ մնալը ձեր մեջ ուժի ու էներգիայի հորդում է առաջացնում:

Պարզապես փոխվել է իմ լուսաճառագումը: Ձեր գիտնականներն իմ սպեկտրում շուտով կնկատեն արևի լուսաճառագման փոփոխված բնութագրերը, բայց, քանի որ ծանոթ չեն աստվածային գիտությանը, ապա դժվար թե կարողանան բացատրել, թե դրանք ինչ են նշանակում:

Ես պետք է նաև նախազգուշացնեմ, որ մեծացել է նաև իմ ճառագայթների ինտենսիվությունը՝ հատկապես սպեկտրի անտեսանելի մասում: Այդ պատճառով արևի տակ չափազանց երկարատև մնալը կարող է վնասել ձեր օրգանիզմին:

Կան որոշ անհատներ, որոնք վախենում են իմ ճառագայթներից և թաքնվում են ինձնից: Ինտուիտիվ կերպով ու ենթագիտակցաբար նրանք հաս-

կանում են, որ իրենց ներսում կա ինչ-որ բան, որն իրենց թույլ չի տալիս շփվել ինձ հետ և հայտնվել արևի տակ: Ես նրանց վրա ճշիչ ազդեցություն եմ թողնում, քանի որ մեր բնույթները չափազանց շատ են տարբերվում իրարից:

Երկիրը՝ որպես մոլորակ, իր վրա թույլ է տալիս գոյատևել կատարելապես տարբեր չափազանց շատ էակների: Եվ ոչ բոլորն են նրանցից ընթանում այն ուղղությամբ, որը նախասահմանված է Երկիր մոլորակի համար:

Կապված այն բանի հետ, որ մեր հանդիպումը մոտենում է իր ավարտին, կուզենայի մեկ անգամ ևս ձեզ հիշեցնել, որ հանձին ինձ դուք կգտնեք ձեր հուսալի ու անկեղծ ընկերոջը, եթե միայն դիմեք ինձ: Նույնիսկ իմ մտապատկերը՝ լուսարձակող հրե գունդը, ունակ է ձեզնից շատերին վստահություն ներշնչել, առույգություն հաղորդել և անհրաժեշտ քանակի ուժ ներարկել ձեր մեջ:

ԵՍ ԵՄ Հեղիոսը՝ ձեր նկատմամբ սիրով

ՎԵՀԱՊԵՏ ԼԱՆԵԼԼՈ՝

Մեծն Աստվածային Ուղղորդիչի ներկայությամբ

24 դեկտեմբերի, 2008 թ.

ՄԵՆՔ ԳԱԼԻՍ ԵՆՔ, ՈՐՊԵՍՁԻ ՊԱՀՊԱՆԵՆՔ ՁԵՐ ՆՊԱՏԱԿԱՄՂՄԱՆ ՆԵՐՈՒԺԸ ԵՎ ՃՇԳՐՏԵՆՔ ԱՅՆ ՈՒՂԵՆԻՇՆԵՐԸ, ՈՐՈՆՑՈՎ ԱՌԱՋ ԵՔ ՇԱՐԺՎՈՒՄ

ԵՍ ԵՄ Լանելլոն՝ այս օրով ձեզ այցի եկածը: Թող հայտնի լինի ձեզ, որ այսօր ես մենակ չեմ: Ինձ հետ ներկա է իմ ընկերն ու Ուսուցիչը՝ Մեծն Աստվածային Ուղղորդիչը:

Մենք միասին ենք եկել, որպեսզի ուժեղացնենք մեր ասելիքը, և որպեսզի մեր ներկայության գործունեությունը կրկնապատկվի:

Դրանից չի հետևում, որ դուք պետք է պարզապես առանձնահատուկ ուշադրությամբ ընկալեք այն, ինչը լսում եք, այլ դա նշանակում է, որ պետք է վերաբերվեք տրվածին այնպես, որպես թե այն ինչ լսում եք, ձեզ համար հայտնություն է:

Մենք գալիս ենք, որպեսզի դուք կարողանաք ձեր ձգտումներն ու մտքերը համաձայնացնել մեր ձգտումների ու մտքերի հետ: Չէ՞ որ գաղտնիք չէ, որ մոտենում է տարվա ավարտը, իսկ դա արդյունքներ ամփոփելու և ապագայի պլաններ հյուսելու ժամանակն է: Ուրիշ ո՞վ, եթե ոչ Մեծն Աստվածային

Ուղղորդիչը ձեզ պետք է հուշի, թե ի՞նչ ուղղությամբ արժե, որ ընթանաք:

Այնպես որ դուք այսօր պետք է կենտրոնացնեք ոչ միայն ձեր մենտալ մարմնի, այլ նաև ձեր մյուս մարմինների բոլոր ջանքերը. համահնչունության բերեք ձեր բոլոր մարմինները: Եվ դրանից հետո մենք պատրաստ կլինենք սկսելու մեր զրույցը:

Այնպես, ինչպես միշտ, հարկ է, որ հասկանաք. որպեսզի կարողանաք ընկալել մեր Ուսմունքն ու մեր խրատները, ձեր ներսում մեխանիզմ պետք է ունենաք, որ համալարվեք մեր թրթռանքների հետ: Այդ մեխանիզմը տեղադրված է ձեր ներսում և միշտ ձեզ հետ գոյություն է ունեցել: Այն ձեր հոգու կամերտոնն է: Մակայն այն ընթացքում, երբ գտնվում եք մարմնավորման մեջ, ձեզնից շատերի համար այդ մեխանիզմը կան ընդհանրապես էլ չի հնչում, կան էլ ձեռք է բերում այլ տոնայնություն: Ուստի հարկ է, որ մաքրեք ձեր մեխանիզմը և

համալարվեք նուրբ աշխարհների հետ: Եվ ձեզնից ոչ մեկի համար գաղտնիք չի լինի, եթե ասեմ, որ Բարձրագույն աշխարհների հետ համահնչունություն ձեռք բերելու համար ձեզ անհրաժեշտ է ունենալ անվերապահ Հավատ և հնազանդություն համայն այս տիեզերքում գործող Բարձրագույն Օրենքի առջև: Այն դեպքում, երբ համալարվում եք մեր թրթռանքների հետ, ձեր մարմինները ձեռք են բերում մեծ հաղորդականություն: Եվ այն ամբողջ անպետքությունը, որը նստած է ձեր չորս ստորին մարմիններում, ցեխի ու փոշու նստվածքի պես սկսում է պոկվել ու հետ ընկնել ձեզնից:

Իսկ այն դեպքում, երբ դեռ նոր եք սկսել ընթանալ Ուղով, դարերով կուտակված ցեխի այնքան շատ շերտեր են տարանջատվում ձեզնից, որ կորցնում եք ձեր ուղենիշներն ու ձեր շարժման ուղղությունը: Ահա այսպես, ձեզ համար երբեմն անսովոր է թվում այն, ինչ ձեզ հետ տեղի է ունենում:

Այնինչ տեղի են ունենում շատ բնական գործընթացներ: Եթե նախկինում թրթռում էիք այլ հաճախականությամբ և համահնչունություն պահպանում ֆիզիկական աշխարհի ու ձեզ շրջապատող ամեն ինչի հետ, ապա այժմ սկսում եք թրթռալ ավելի բարձր հաճախականությամբ, և ձեզնից պոկվում է այն ամենն, ինչը խոչընդոտում է ձեր թրթռանքի արագացումը:

Երբ սկսում եք շատ արագ ընթանալ, ձեզ խանգարում է ձեր ավելորդ ուղերեւոր: Նույնը տեղի է ունենում նաև այն ժամանակ, երբ սկսում եք արագացնել Ուղով ձեր ընթացքը: Եվ նույնիսկ այնպիսի անվնաս գործողությունն, ինչպիսին մեր ուղերձների ընթերցումն է, ձեզնից շատերի մեջ այնպիսի էներգետիկական փոթորիկ է առաջացնում, որ երբեմն հարկ է լինում կանգ առնել, որպեսզի վերականգնվի հավասարակշռությունը, գիտակցեք այն, ինչ տեղի է ունենում, և նոր ուժերով նորից առաջ ընթանաք:

Ձեր Ուղու դադարներն ավելի ու ավելի կարճատև կդառնան, և ժամանակի ընթացքում դուք լրիվ ընթացք ձեռք կբերեք՝ ընթացք հաղորդելով նաև այն բոլոր անհատներին, որոնք ինքնուրույնաբար չեն կարող համալարվել մեզ հետ: Եվ այդ կերպ ողջ մարդկությունը կարագացնի իր զարգացումը:

Մենք չէինք ուզենա, որ մեր ուղերձներն անցանկալի ազդեցություն թողնեն ձեզ վրա: Իսկ դա հնարավոր է այն դեպքում, եթե մեր թրթռանքները նշանակալիորեն հեռու են թրթռանքների այն մակարդակից, որը տիրապետող է մեր դեսպանորդի համար: Դրանից չի հետևում, որ պետք է ամեն ինչ թողնեք և այլևս չփնտրեք Աստծուն, դադարեք ընթանալ հոգևոր Ուղով: Հետևում է միայն, որ պետք է մի փոքր շունչ առնեք, քանի որ չափազանց արագ ընթանալուց շնչասպառ եք եղել: Եթե արագ քայլերից ձեր շունչը կտրվում է, դրանից չի հետևում, որ այլևս չպետք է քայլեք, այլ

միայն նշանակում է, որ ձեր ծանրաբեռնվածությունը պետք է չափավորված լինի:

Ամեն մի բժիշկ ձեզ նույնը կասի: Եվ մենք էլ, հետևելով բժիշկներին, ձեզ ավելի դանդաղ տեմպ ենք նշանակում:

Նկատեք, որ բանն այն տեմպի մեջ չէ, որով շարժվում եք, այլ կայունության և միշտ միննույն ուղենիշներով առաջնորդվելու մեջ:

Համաձայնեք, որ եթե շատ արագ վազեք, բայց տարբեր օրերի՝ տարբեր ուղղություններով, ապա հազիվ թե հասնեք ձեր վազքի նպատակակետին: Եվ հակառակը, եթե շարժվում եք անշտապ, բայց մշտապես նույն ուղղությամբ, ապա վաղ թե ուշ կհասնեք ձեր շարժման նպատակակետին:

Ուստի շտապեք՝ առանց անապարելու: Յուրաքանչյուրին հատուկ է իր տեմպն ու իր շարժման ուղիքը: Ամենավատն այն կլինի, եթե դադարեցնեք ամեն մի շարժում կամ խեցգետնի պես սկսեք դեպի հետ ընթանալ:

Դրան հակառակ՝ մենք գալիս ենք, որպեսզի պահպանենք ձեր նպատակամղման ներուժը և ճշգրտենք այն ուղենիշները, որոնցով առաջ եք շարժվում:

Չարժե, որ անտեսեք մեր խորհուրդները:

Իսկ այժմ մենք անցնում ենք այն ամենակարևորին, հանուն որի եկել ենք այս ուղերձը տալու: Գիտեք, որ տարին ավարտվում է: Եվ, ինչպես միշտ, այս ընթացքում իր աշխատանքն է սկսել Կարմայական Վարչությունը: Ուստի այսօր և մինչև տարեվերջ դուք հնարավորություն ունեք նամակով դիմելու Կարմայական Վարչությանը: Իսկ դա շատ կարևոր թողության շնորհ է, որը կարող է ձեզ համար էականորեն օգտակար լինել:

Կարմայական Վարչության անդամները ոչ միշտ են հնարավորություն ունենում միջամտելու ձեր ճակատագրին: Բայց եթե ինքներդ նամակով դիմեք Կարմայական Վարչությանը, ապա ձեր խնդրանքներն անպայման կքննարկվեն և ձեռք կտանվեն բոլոր անհրաժեշտ միջոցները, որպեսզի հանգամանքները կան փոխվեն, կան մեղմացվեն: Ամեն ինչ կախված է ձեր նպատակամղվածությունից և այն էներգիայից, որը եկող կիսամյակում դուք ունակ կլինեք հատկացնելու այն բանին, որ ձեր խնդրանքները կյանքի կոչվեն:

Ինչպես միշտ, դուք հնարավորություն ունեք Աստծո Ողորմածությամբ լուծելու ձեր ամենաչարչրկված պրոբլեմները:

Իսկ հիմա հասավ մեր բաժանման պահը: Ուստի վերջում մեկ անգամ ևս խնդրում եմ, որ չնոռանաք մեր խրատներն ու մեր յուրաքանչյուր ուղերձը դիտեք որպես Աստծո Հայտնություն, այլ ոչ թե օրվա հերթական ժամանց:

*ԵՍ ԵՄ Լանելլոն՝ Մեծն Աստվածային
Ուղղորդիչի՝ ներկայությունը այսօր
եղա ձեզ հետ*

ՎԵՃԱՊԵՏ ԼԱՆՏՈ

25 դեկտեմբերի, 2008 թ.

ՈՒՍՄՈՒՆՔ ԱՇԱԿԵՐՏԻ ՈՐԱԿԱԿԱՆ ՀԱՏԿԱՆԻՇՆԵՐԻ ՄԱՍԻՆ

ԵՍ ԵՄ Լանտոն՝ այս օրով ձեզ այցի եկածը: Ինչպես միշտ, ես եկել եմ, որպեսզի գրուցեմ ձեզ հետ: Եվ հույս ունեմ, որ այսօրվա գրույցից դուք անժխտելի օգուտ կստանաք:

Իմ գալը նաև նպատակ ունի, որ վստահեցնեմ ձեզ, որ ձեր հաջողություններն ու Ուղով ձեր առաջընթացն ուղղակիորեն կախված են ձեր նպատակամղվածությունից և այնպիսի հատկանիշից, ինչպիսին կայունությունն է: Հաջորդ հատկանիշը, որն անհրաժեշտ է ձեզ, նվիրվածությունն է:

Եվ այսպես, նպատակամղվածություն, կայունություն և նվիրվածություն. ահա ձեր Ուղով ընթացքին շատ անհրաժեշտ հատկանիշները:

Կան ևս մի քանի որակային հատկանիշներ, առանց որոնց գործը գլուխ չի գա: Եվ դրանց մեջ ամենակարևորը Մերն է: Քանզի այնժամ, երբ դուք ունակ եք Մեր զգալու, ընկալունակ եք դառնում մեր թրթռանքների նկատմամբ: Իսկ երբ ձեր սիրտը լեկ-լեցուն է Սիրով, ձեր սիրտն է մուտք գործում նաև Աստծո Իմաստությունը՝ այն հատկանիշը, որը դուք կարող եք ձեռք բերել, եթե անխոնջ կերպով օր օրի ականջալուր լինեք մեր խոսքերին և հետևեք մեր հանձնարարականներին:

Ես նաև կուզենայի մի երկու խոսք ասել Հավատի մասին: Եթե ձեր սրտերը լի են նվիրվածությամբ ու հավատով, ապա ձեր էությունը լցվում է այնպիսի գործությամբ, որ ձեզ չեն կարող սարսափեցնել ձեր աշխարհի ցանկացած փոթորիկներն ու հողմերը:

Ուստի նախքան որոշում ընդունելը, որ հետևեք մեզ՝ Համբարձյալ Վեհապետներին, նախքան մեր Ուսմունքին ու մեր հանձնարարականներին հետևելը ստուգեք, թե արդյոք բավարար ուժեղ է ձեր նպատակամղվածությունը և արդյոք ունեք Ուղով ընթանալու համար անհրաժեշտ այն որակները, որոնք ես քիչ առաջ թվարկեցի:

Քանզի եթե ձեզ տիրեն կասկածները, և դուք սկսեք մշտապես ինչ-որ տեղ փնտրել ավելի լավ ու կատարյալ բաներ, ապա չեք կարողանա յուրացնել մեր Ուսմունքում առկա այն Ճշմարտությունը և աստվածային շնորհատվության այն նեկտարը, որը մենք սփռում ենք մեր ուղերձներով, երկրի վրա հոսեցնում հենց ձեր կողքով, իսկ ձեր սրտերը մնում են դրան անհաղորդ:

Ուստի նախքան անխախտ որոշում կայացնելը, որ հետևեք այն Ուղուն, որն ուսուցանում են Համբարձյալ Վեհապետները, ստուգեք, թե որքան

է ուժեղ ձեր նպատակամղվածությունը. արդյոք այն չի սպառվի ավելի շուտ, քան կարողավո կհասնեք այս ուղերձի ավարտին: Եվ եթե վստահորեն չեք կարող ասել, որ պատրաստ եք հետևելու մեր Ուսմունքին, նվազագույնը՝ մինչև ձեր ընթացիկ մարմնավորման ավարտը, ապա չարժե, որ ժամանակ ծախսեք մեր ուղերձները կարդալու վրա:

Քանզի դրանով դուք կգրադվեք կատարելապես անօգուտ և անիմաստ գործով: Դա նույն բանն է, ինչ փորձեք մաղով ջրել ձեր բանջարանոցը:

Աստծո Ճշմարտության և ոչ մի հատիկ չի լուսավորի ձեր միտքը և խթան չի տա ձեր հետագա առաջընթացին, եթե չեք գնահատում այն, ինչ տրվում է ձեզ, և մեր ուղերձ տալու հրաշքը դիտում եք որպես ժամանցային զբաղմունք:

Ձեր աշխարհն ավելի ու ավելի է թեքվում դեպի այն կողմը, որ դուք մշտապես զբաղված լինեք հերթական ժամանցների ու խաղալիքների փնտրտուքով: Դուք այնպես եք խրվել այդ գործի մեջ, որ նույնիսկ չեք նկատում աստվածային հնարավորության այն ճոպանը, որը ճոճվում է ուղիղ ձեր քթի դիմաց:

Ես այսքան անզիջում ու խիստ չէի խոսի, եթե աչքի առաջ չունենայի շատ մարդկանց, որոնք առաջ են մղվել Ուղով, բայց սահել են դեպի անդունդը և հեռացել դեպի անէություն: Դուք մոռանում եք այն մասին, որ գտնվում եք երկդիմի, պատրանքային աշխարհում: Եվ հետևապես պետք է միշտ զգոն լինեք: Ուստի հարմար է գալիս ձեզ համեմատել աշխարհ եկած մարտիկների հետ: Որովհետև հատկապես հենց մարտիկի հատկանիշներն են, որ ձեզ անհրաժեշտ է ձեռք բերել:

Մարտիկը չի տրտնջում, չի բողբոջում ճակատագրից. նա կատարում է իր մարտական պարտքը և հասկանում, որ եթե հանուն Գաղափարի ու Համընդհանուր Բարիքի պահանջվի զոհել իր կյանքը, ապա, ամենայն հավանականությամբ, ինքը դա կանի:

Բայց ձեր ժամանակներում անհամեմատ ավելի շատ բան է պահանջվում. ոչ թե ընդամենը մեկ անգամ զոհաբերել կյանքը հանուն Համընդհանուր Բարիքի ու Բարու, այլ ամբողջ կյանքը դարձնել անշահախնդիր ծառայության ու ինքնագոհողության շարունակական գործողություն:

Այդ խնդիրն ի վիճակի են լուծել միայն ոգով շատ ուժեղ մարդիկ: Եվ հիմա ձեր մեջ մարմին են առել անցյալի մեծագույն շատ յոզեր:

Մեծագույն շատ անհատականություններ են մարմին առել այս դժվար ժամանակներում: Եվ եթե կարծում եք, թե նրանք բարձր պաշտոններ են զբաղեցնում կամ շատ հայտնի մարդիկ են ձեր աշխարհում, ապա սխալվում եք: Հավանաբար ձեզնից ոչ ոք նույնիսկ չի էլ լսել այդ մեծագույն մարմնավորվածների մասին: Քանզի իրենց առաքելությունը նրանք կարող են ի կատար ածել միայն այն դեպքում, եթե իրենց վրա չհրավիրեն մարդկանց հայացքներն ու մտքերը, որոնք կարող են խանգարել Լուսի առաքելության իրականացմանը:

Մեր դեսպանորդի դեպքում բանն ուրիշ է: Քանզի դեսպանորդի պաշտոնը ստիպում է գտնվել ճակատամարտի առաջնային գծում: Ուստի ամեն մեկը չէ, որ կարող է իր վրա վերցնել Իմաստության Վեհապետների դեսպանորդ լինելու բեռը, և ամեն ոք չէ, որ կարող է, նախ և առաջ, դիմանալ այն էներգետիկական ծանրաբեռնվածությանը, որն ընկնում է դեսպանորդի ուսերին:

Այդ պատճառով մենք սպասում ենք, թե էրբ ձեր աշխարհում ճիշտ վերաբերմունք կհաստատվի մեր դեսպանորդների նկատմամբ՝ հիմնված ոչ թե հետաքրքրասիրության և այդ հետաքրքրասիրությունը բավարարելու, այլ ծառայելու և հնարավոր ողջ օժանդակությունը ցուցաբերելու վրա:

Այն բանից ելնելով, թե ինչպես եք վերաբերվում մեր դեսպանորդներին, մենք դատում եք ձեր հոգևոր նվաճումների մակարդակի մասին: Ամեն ոք, ով հայտնվում է մեր դեսպանորդի տեսադաշ-

տում, ինքնաբերաբար հայտնվում է նաև մեր տեսադաշտում: Եվ մենք այդ անհատներին ենք մատուցում այն ատամներ շրջող թեստերը, որոնցով հնարավոր է դառնում որոշել հավատարմության ու նվիրվածության աստիճանը և նրանց միջից առանձնացնել այն անհատներին, որոնք իրենց համար են ինչ որ բան փնտրում ու պատրաստ չեն ծառայության այն մակարդակին, որը հիմա պահանջվում է:

Ուստի նախքան մեր դեսպանորդի հետ որևէ փոխհարաբերության մեջ մտնելը խորհուրդ կտայի որ բազմակիորեն կշռադատեք՝ կարո՞ղ եք արդյոք դիմանալ և անցնել այն թեստերը, որոնք անխուսափելիորեն կթափվեն ձեր գլխին, հենց որ, թեկուզ մտովի, մոտենաք մեր դեսպանորդին:

Հը, վախեցրի՞ ձեզ... Բայց ես նպատակահարմար եմ համարում, որ նախապես զգուշացված լինեք այն մասին, թե ինչ է գալու ձեր գլխին, քան թե անտեղյակ լինեք ու հետո ամեն ինչի համար մեղադրեք մեր դեսպանորդին: Ձեզ համար դրանից վատ բան չի կարող լինել: Քանզի մեր դեսպանորդի հետ կարմա ունենալը հավասարազոր է Աստծո հետ կարմա ունենալուն: Իսկ դա ամենածանր կարմայի տեսակն է, որը ներկայումս գոյություն ունի ձեր աշխարհում:

Ես երջանիկ էի այս ոչ մեծ Ուսմունք ձեզ տալով: Եվ ես հույս եմ տածում, որ երախտագիտությամբ կընդունեք այն ձեր սրտերում:

ԵՍ ԵՄ Լանտոն: ՕՍ

ԳՈՒԱՆ ԻՆ

26 դեկտեմբերի, 2008 թ.

ՈՒՍՄՈՒՆՔ ԿԱՐԵՎՅԱՆՔԻ ԵՎ ԳԹԱՍՐՏՈՒԹՅԱՆ ՄԱՍԻՆ

ԵՍ ԵՄ Գուան Ինը: ԵՍ ԵՄ ձեզ այցի եկել այս օրով, որպեսզի ոչ մեծ մի Ուսմունք տամ:

Ես հազվադեպ եմ այցի գալիս: Հետևաբար ընկալեք իմ խոսքերը կրկնապատկված ուշադրությամբ: Ոչ այն պատճառով, որ ես եմ այդպես ուզում, այլ որովհետև դա ձեզ է անհրաժեշտ:

Ես գալիս եմ ձեզ ուսուցանելու կարեկցանք ու գթասրտություն: Քանզի եթե ձեր սրտերում չունենաք այդ հատկանիշները, ապա չեք կարողանա մուտք գործել նոր, գալիք դարաշրջանը:

Կարեկցանքն ու գթասրտությունը միայն մերձավորների հոգսերը հոգալով չէ, որ արտահայտվում են: Ձեր սրտի այդ հատկանիշները տիեզերական բնույթ ունեն և պետք է կիրառվեն բոլոր կենդանի էակների նկատմամբ: Համայն գոյի

նկատմամբ ձեր հոգածությունը նույնքան պետք է լինի, որքան ձեր մոր նկատմամբ:

Եթե աշխարհում տիրապետող դառնան կարեկցանքի ու գթասրտության երկու հատկանիշները, ապա աշխարհը կլքեն մարդկային գիտակցության այնպիսի բացասական դրսևորումներն, ինչպիսիք են պատերազմները, ահաբեկչական գործողությունները, ատելությունը:

Նաև շատ ուրիշ հատկանիշներ, որոնք ներկայումս բնորոշ են մարդկությանը, անէության գիրկը կանցնեն: Եվ գլխավորը կդառնան միայն բոլոր կենդանի էակների նկատմամբ ձեր հոգածությունն ու ձեր Մերը յուրաքանչյուր աստվածային դրսևորման նկատմամբ:

Ձեր կյանքում որքան հաճախ եք մտորում այն

մասին, թե ինչ ազդեցություն կարող էիք գործել ձեր շրջապատի վրա, եթե միայն ձեր սրտում տեղ գտնեին կարեկցանքի ու գթասրտության այդ երկու հատկանիշները: Խնդրում եմ դրանք չշփոթել խղճահարության և ձեզ մոտիկ մարդկանց մասին հոգ տանելու հետ: Քանզի այն դեպքում, երբ կապվածություն եք զգում ձեր մերձավորների հետ և փորձում, ինչպես ձեզ է թվում, նրանց նկատմամբ տածել կարեկցանք ու գթասրտություն, ապա հենց ինքներդ եք տառապում: Քանի որ գթասրտության ու կարեկցանքի հատկանիշները, եթե իրապես են դրսևորվում ձեր կողմից, կախված չպետք է լինեն այն բանից, թե ինչ կարգի ազգակցություն գոյություն ունի ձեր և այն մարդկանց միջև, ում նկատմամբ գթասրտություն ու կարեկցանք եք տածում:

Դուք կարող եք ընդհանրապես չճանաչել այն մարդկանց, որոնք տառապում կամ օգնության կարիք են զգում, բայց ձեր սրտի Սիրո և օգնության առաքումն ունակ կլինի փոխելու այն իրադրությունը, որում գտնվում են այդ մարդիկ՝ նպաստելով այն բանին, որ աստվածային հատուցումն այդ հոգիների կողքով անցնի կամ առաջադրվի կարմայի բեռնաթափման ամենաթեթև եղանակը:

Ողջ դժվարությունն այն է, որ գթասրտության ու կարեկցանքի մասին ձեր պատկերացումը տարբեր է մեր պատկերացումից: Ձեր տեսակետը տարածվում է ընթացիկ մարմնավորման կամ նույնիսկ դրա ընդամենը մի ժամանակահատվածի վրա: Ուստի երբ տեսնում եք, որ մարդիկ տառապում են, և դուք չեք կարողանում նրանց օգնել, վշտանում և ինքներդ եք սկսում տառապել:

Աստվածային կարեկցանքը մի փոքր ավելի վեր է մարդկանց պատկերացրածից և վերաբերում է ոչ այնքան ֆիզիկական մարմնին, որքան հոգու փրկությանը: Եվ երբեմն այն, ինչը ձեր տեսակետից թվում է ահավոր ու անարդարացի, մենք դիտարկում ենք այդ նույն իրադրությունը և կարծիք հայտնում, որ դրանով հոգուն հնարավորություն է ընձեռված ամենաարագ ու դյուրին ձևով թեթևացնելու իր կարմայական բեռը:

Ամեն ինչ կախված է մոտեցման տեսակից: Մենք դիտարկում ենք անցյալի մարմնավորումների ողջ շղթան և տեսնում, թե հետո ինչ ավելի լավ մարմնավորում է նախապատրաստվում տառապող հոգու համար:

Դա չի նշանակում, որ դուք պետք է համակվեք անտարբերությամբ և հանգիստ անցնեք այն մարդկանց կողքով, ովքեր օգնության կարիք ունեն: Այլ միայն նշանակում է, որ ամեն ոք պետք է բեռնաթափի կարմայի այն շերտանստվածքը, որի բեռնաթափման հերթը հասել է: Եվ այն դեպքում, երբ օգնություն եք ցուցաբերում որևէ կարիքավորի, նախ և առաջ պետք է մտահոգվեք նրա հոգու, այլ ոչ թե ֆիզիկական մարմնի հարցով:

Քանզի նախ հոգին է տառապում, հետո նոր միայն ի հայտ են գալիս խոցեր, հիվանդություններ և ֆիզիկական ոլորտի անբարենպաստ կար-

մայական իրավիճակներ: Ձեր օգնությունը դուք պետք է ցուցաբերեք ֆիզիկական ոլորտում, բայց միշտ նկատի պետք է ունենաք, որ այն, ինչ ձեզ հետ կատարվում է ֆիզիկական ոլորտում, ոչ այլ ինչ է, եթե ոչ անցյալի ձեր սխալ արարքների, մտքերի ու զգացմունքների հետևանքը: Ուստի, որպեսզի իրավիճակը հարթվի ֆիզիկական ոլորտում, հարկ է, որ փոխվի այդ ոլորտում տառապանքներ կրող մարդկանց գիտակցությունը:

Ցավոք, երբեմն կարման այնքան ծանր է լինում, որ մարդն ի վիճակի չի լինում գիտակցելու, որ իր գլխին եկած փորձանքն անցյալի իր սխալ արարքների հետևանքն է: Նա ունակ չի լինում գիտակցելու կարմայական կապերի ու կարմայական հատուցման առկայությունը: Նման դեպքում, երբ, ձեր Սիրո ու կարեկցանքի զգացումից ելնելով, կարեկցում եք այդ մարդու հոգուն, այն ձեզնից լրացուցիչ խթան է ստանում, որի օգնությամբ կարող է պոկվել պատճառի ու հետևանքի արատավոր շրջանից և վեր կանգնել դրանից: Եվ նույնիսկ եթե տվյալ մարդը մահանում է, ապա շնորհիվ ձեր կարեկցանքի զգացումի և այն կոչերի, որոնք հղում եք նրա հոգու փրկության համար, նա կարող է իր գիտակցությամբ բարձրանալ այնպիսի մակարդակի վրա, որտեղ հրեշտակներն ու Լույսի էակները նուրբ ոլորտում արդեն ունակ կլինեն ձեռք մեկնելու և օգնություն ցուցաբերելու նրա հոգուն:

Այն դեպքերում, երբ ճշմարիտ գթասրտություն ու կարեկցանք եք տածում տառապող անհատների նկատմամբ, դուք նրանց եք փոխանցում ձեր նվաճումների մի մասը, և ձեր այդ նվաճումների միջոցով այդ հոգիներն ունակ են դառնում վեր բարձրանալու:

Ուստի, որպեսզի ճշմարիտ գթասրտություն ու կարեկցանք տածեք, հարկ է, որ ձեռք բերեք նվաճումների որոշակի պաշար:

Ձեր մեջ կան Բուդդաներ ու Բողոքիսատվաներ, որոնք օժտված են ճշմարիտ գթասրտությամբ ու կարեկցանքով, սակայն մարդկանց մեծամասնությունը գթասրտություն ասելով պարզապես խղճահարություն է հասկանում:

Երբ ճշմարիտ գթասրտությունն ու կարեկցանքը մարդկանց մեծամասնության մշտական ուղեկիցները կդառնան, տառապանքներն աստիճանաբար կլքեն ձեր աշխարհը: Տառապանքները մաքրում են ձեր հոգիներն այն բանի շնորհիվ, որ տառապող հոգին բեռնաթափում է կարմայի մեծ շերտանստվածք:

Հիմա առանց դրա հնարավոր չէ ոչինչ անել, քանի որ մարդկության կարման չափազանց շատ է ծանրացած: Սակայն մարդկությունն աստիճանաբար կընթանա մեր ցույց տված ուղղությամբ: Եվ ցանկալի կլինեք, որ կանգ չառնեիք այդ Ուղու վրա: Չափազանց շատ աշխատանք է սպասվում առջևում:

ԵՍ ԵՄ Գուան Իսը

ՀԱՍԵԼ Է ՁԵՐ ԳԻՏԱԿՑՈՒԹՅԱՆ ՄԵՋ ՎԻԹԽԱՐԻ ՓՈՓՈԽՈՒԹՅՈՒՆՆԵՐ ԻՐԱԿԱՆԱՑՆԵԼՈՒ ԺԱՄԱՆԱԿԸ

ԵՍ ԵՄ ՇԻՎԱՆ...

Ես եկա...

Այսօր եկել եմ, որպեսզի ավերեմ ձեր գիտակցության որոշ կարծրատիպեր, որոնք վերջին հազարամյակների ընթացքում հուսալիորեն դիրքավորվել են ձեր գիտակցության մեջ:

Եվ ամենակարևոր կարծրատիպը, որն այսօր եկել եմ ավերելու, վերաբերում է այն բանին, որ դուք ունակ եք ինքներդ որոշում ընդունելու ձեր կյանքում և գործելու այնպես, ինչպես խելքներիդ կփչի: Այո, ձեր աշխարհում գործում է ազատ կամքի օրենքը: Եվ մենք չենք միջամտում ձեր որոշումներին, քանի դեռ ձեր որոշումները, ձեր վարվելակերպն ու կենսակերպը վտանգ չեն ներկայացնում ձեր մոլորակի քաղաքակրթության համար:

Սակայն գալիս է պահը, երբ ձեր ազատ կամքը ձեզ հասցնում է կարմայական փակուղու: Եվ այն ամենն, ինչ անում եք, հանգեցնում է խառնակ ամենալաթողության՝ խնջույքի ժամտախտի ժամանակ:

Դրան պետք է վերջ տրվի: Եվ այժմ ես եկել եմ, որպեսզի ձեր հոգիներին հիշեցնեմ ավելի լավ ժամանակների մասին, որոնք եղել են Երկրի վրա: Ժամանակներ, երբ կար Տիեզերական Օրենքի գերակայություն: Եվ Երկրի մարդկությունը ենթարկվում էր խրատատուներին, որոնք էվոլյուցիոն զարգացման ավելի բարձր աստիճանների վրա էին կանգնած: Ազատ կամքի չարաշահումը հասցրեց այն բանին, որ շղարշը թանձրացավ, և մարդկության խրատատուներն այլևս չէին կարող ներկա գտնվել մարդկանց շրջապատում:

Ներկա ժամանակահատվածը կալի յուզան է՝ խավարի ու տգիտության դարաշրջանը:

Ուստի այժմ մենք գալիս ենք, որպեսզի տեղյակ պահենք ձեզ, որ տգիտության լծի տակ մնալու ձեր ժամանակը մոտենում է իր ավարտին: Մոտենում է այն ժամանակը, երբ ձեր խրատատուները պետք է վերադառնան և շրջեն ձեր մեջ:

Սակայն դրա համար ինքներդ պետք է համապատասխան պայմաններ ստեղծեք: Եվ այդ պայմանները պետք է ձեր աշխարհի վերադառնան ձեր գիտակցության փոփոխության շնորհիվ: Քանզի երբ մարդկությունը համառում է և փորձում պահպանել էգոյի դիրքերը, վրա է հասնում այն արհավիրքների հերթը, որոնք Երկրի երեսից սրբում են ամբողջական քաղաքներ և նույնիսկ մայրցամաքներ:

Ուստի ես ձեզ ոչ թե ահաբեկում եմ, այլ ասում եմ, որ ժամանակը կարճ է: Եվ Բարձրագույն Օրենքի առջև ձեր հնազանդ լինելն այժմ անհրաժեշտ է, ինչպես երբեք:

Դադարեք ձեզ ասածո տեղ դնել: Պարզապես եղեք աստվածներ: Մեզ հետ հավասար դարձեք, բայց դրա համար հարկ կլինի, որ ինչ-որ բան զիջեք: Հարկ կլինի, որ զիջեք ձեր անիրական մասը՝ ձեր էգոն, որը սովորել է վարել պարահանդեսը Երկիր մոլորակի ֆիզիկական ոլորտում:

Ես ձեզ ասում եմ. «Վերջանում է կալի յուզայի դարաշրջանը: Եվ հասել է ձեր գիտակցության մեջ վիթխարի փոփոխություններ իրականացնելու ժամանակը»:

Որպես անկյունաքար՝ պետք է դրվի ձեր հնազանդությունը Բարձրագույն Օրենքին:

Ձեր էգոն ձեզ ստիպում է դես ու դեն ընկնել ու կասկածել, փնտրել ձեր քմահաճույքներին ու ցանկություններին հազուրդ տալու ինչ-որ բաներ:

Հարկ է, որ հասկանաք, որ մոտենում է ձեր անիրական մասի վերջը: Եվ այն անհատներն, ովքեր պատրաստ չեն հարմարվելու նոր պայմաններին, ովքեր չափազանց շատ են տարված իրենց անիրական մասով, կհայտնվեն իրենց համար շատ ծանր ժամանակներում: Այն կարման, որը դուք շարունակում եք ստեղծել ձեր անտեղյակության կամ տգիտության պատճառով, արդեն գերազանցում է բոլոր խելամիտ սահմանները: Եվ նույնիսկ Համբարձյալ Դասերի գորությունը չի բավականացնում, որ պահի ձեր կարման որոշակի սահմանների մեջ, որպեսզի այն ավերից դուրս չգա և Երկրի երեսից չսրբի մայրցամաքների մեծ մասը:

ԵՍ ԵՄ ՇԻՎԱՆ՝ պատրանքներ ավերողը: Եվ իմ գորությունն անհնար է համեմատել բոլոր գրքային կախարհների գորության հետ, որոնք իրենց մարմնավորված աստվածների տեղ են դնում:

Մթափվեք: Ձեր դարում, երբ բյուրեղյա լարով ձեր էության մեջ իջնող աստվածային գորությունը գիտակցորեն թուլացված է, դուք ունակ չեք որևէ լուրջ գործողություն իրականացնելու և չեք կարող նշանակալի չափով հակադրվել աստվածային գորությանը: Դուք կարող եք միայն բարդացնել ձեր կարման և այն դարձնել աներևակայելի չափով մեծ:

Ես գալիս եմ, որպեսզի դուք հասկանաք, որ ձեր անիրական մասի դիմադրությունը շուտով կհասնի իր վախճանին:

Մնացել է մի փոքր ժամանակահատված, երբ ձեզ հնարավորություն է տրվում, որպեսզի փոխեք էվոլյուցիային վերաբերող ձեր հայացքները:

Անխելամիտ է, չափից դուրս անխելամիտ ինքներդ ձեզ Աստծուց, Աստծո Հիերարխիայից կտրելը, որը գոյություն ունի այս տիեզերքում: Կարծես թե դա ձեզ բազմակի անգամ ասվել է, և ես զարմանքով նկատում եմ, որ մեր կողմից տրված տեղեկությունների մեծ մասը ձեր կողմից չի յուրացվում: Դուք նշանաձողեր եք վերցնում, բայց չեք խորանում տրված Ուսմունքի մեջ:

Այնքան պարզ բան է Բարձրագույն Օրենքին հնազանդվելն ու այլևս չդիմադրելը, սակայն ձեր էգոն կրկին ու կրկին գլուխ է բարձրացնում և շարունակում իր կոհվը: Ու՞մ դեմ եք կռվում...

Ձեզ տարօրինակ չի՞ թվում, որ կռվում եք ճշմարիտ Աստծո դեմ, մեր ու ձեր միջև դնելով հնարավոր աստվածների, որոնց ինքներդ եք ստեղծել՝ ըստ ձեր պատկերի և նմանության:

Ժամանակը չէ՞ արդյոք հայացքն ուղղելու դեպի այս տիեզերքի միասնական Աստվածը և ոչ թե աղոթելու այն աստվածներին, որոնց հորինել է ձեր անկատար գիտակցությունը:

Ես այս օրով եկա, որպեսզի խրատեմ ձեզ Աստծո Ճշմարտության ճանաչման ձեր Ուղու վրա և ձեր ուշադրությունը հրավիրեմ այն բաների վրա, որոնք խանգարում են իմացության Ուղու վրա այդ Ճշմարտության ճանաչմանը:

ԵՍ ԵՄ ՇԻՎԱՆ... ՕՄ ՆԱՄԱՀ ՇԻՎԱՅԱ

ԲԱԲԱԶԻ

28 դեկտեմբերի, 2008 թ.

ԵՍ ԵԿԵԼ ԵՄ, ՈՐՊԵՍԶԻ ԶԵՉ ԱՌԱՋ ՄՂԵՄ...

ԵՍ ԵՄ Բարաջին, այս օրով եկել եմ, որպեսզի, ինչպես միշտ, ձեզ հետ սրտաբաց զրույց վարեմ, և հույս ունեմ, որ ձեր սրտերում ըմբռնում ու համագործակցության պատրաստակամություն կգտնեմ:

Ձեր աշխարհին հրաժեշտ տալուց հետո ես աշխատում եմ ջանք չխնայել, որպեսզի Երկրի մարդկությունը կարողանա հաղթահարել գոյություն ունեցող խոչընդոտները, նաև որպեսզի հնարավորինս արագ գա այն ժամանակը, երբ այլևս այդքան շատ տառապելու կարիք չեք ունենա: Տառապանքների պատճառն ու դրանց խորությունը հենց ձեզնով են պայմանավորված: Ուստի շատ կարևոր է, որ կարողանաք ձեր կյանքում նշմարել այն պահերը, երբ սկզբնավորում եք ձեր և ձեր երեխաների ապագա տառապանքների պատճառները: Հարկավոր է, որ շատ ուշադիր ու շրջահայաց լինեք ձեր կյանքի ընթացքում: Չէ՞ որ երբեմն միայն այն բանի համար, որ պնդեք ձեր իմացածն ու ձեր հաղթական տեսակետը, դուք պատրաստ եք լինում նույնիսկ ձեր խղճին դեմ գնալու և կատարելու շատ անվայել արարքներ: Արժե՞ն արդյոք, որ վատնեք ձեր ջանքերն ու Աստծո թանկարժեք էներգիան միայն այն բանի համար, որ սփռվեք ձեր էգոյին:

Չարժե՞ն: Եվ ես ասում եմ ձեզ, որ եկել է ձեր զարգացման այն ժամանակահատվածը, երբ պետք է գիտակցված ձևով մոտենաք ձեր ամեն մի գործողությանը: Քանզի այն գործերը, որոնք դուք

կանեք ձեր էգոյի օգտին, շատ արագ ձեր կյանքում ի հայտ կբերեն իրենց փտած պտուղները:

Ուստի եղեք ավելի իմաստուն, ավելի խիզախ: Մի՞ երկնչեք ձեր հայացքներն ու համոզմունքները պահպանելուց, եթե նույնիսկ դրանք հակասում են ձեր կողքին ապրող մարդկանց հայացքներին:

Դուք ձեր կյանքում պետք է առաջնորդվեք բարձրագույն իմաստությամբ և ընթանաք Վերին Ուղով...

Եվ նույնիսկ այն դեպքում, երբ ձեզ կթվա, թե ոչ ոք ձեզ չի հասկանում, և ձեր շրջապատում չկա մեկը, որի հետ կիսվեք աստվածային իմացության բնագավառի ձեր հայտնությամբ, մի՞ վշտացեք: Ես մշտապես ձեր կողքին եմ: Եվ Համբարձյալ մյուս Վեհապետները նույնպես ձեր կողքին են: Բավական է միայն, որ ունենաք մեր մտապատկերն ու դիմեք մեզ, որպեսզի մենք արդեն լսենք ձեզ: Մի՞ կարծեք, թե դուք մենակ եք ձեր աշխարհում Համբարձյալ Վեհապետները գտնվում են հենց այնտեղ, որտեղ դուք հիմա ապրում եք: Մեզ հասար տարածական խոչընդոտներ գոյություն չունեն: Մենք շտապում ենք արձագանքել ձեր կանչին մտքի արագությամբ և պատրաստ ենք օժանդակելու ձեր բոլոր այն նախաձեռնություններին, որոնք սկսում եք հանուն Քրիստոսի, հանուն Բողոքայի, հանուն Մովսեսի, հանուն Մոհամեդի կամ հանուն այն բազմաթիվ Լույսի Էակների, որոնք երբևէ մուտք են գործել ձեր աշխարհ և ձեզ ուսուցանել Աստծո Ճշմարտությունը:

Մեր միջև հակասություններ չկան: Մենք կազմում ենք մի ընտանիք, մի Համայնք: Ինչն է խանգարում, որ նույնն էլ լինի ձեր ֆիզիկական ուղորտում:

Կրոնական հողի վրա կառուցված ձեր հակասությունները հորինովի են և ստեղծվել են այն մարդկանց կողմից, որոնք փորձում են պարտադրել իրենց կարծիքը և պատրաստ են դրա համար դիմելու անաստվածահաճո արարքների: Ընթացքն է վերին Ուղով: Միշտ ջանացնք տեսնել այն ընդհանուրը, որն ընկած է տարբեր կրոնների ու տարբեր կրոնական հոսանքների հիմքում, և կիսմոզվեք, որ ընդհանրություններն անհամեմատ ավելի շատ են, քան տարբերությունները:

Մենք բոլորս նույն ընտանիքն ենք ներկայացնում: Նախապես մեզ բաժանող ոչինչ չկար: Ձեր աշխարհից դուրս բաժանող ամեն ինչը ենթակա է այրման ու պատմության աղբանոց նետվելու:

Գալիս է նոր մտածողության ժամանակաշրջանը, երբ ամոթ կլինի ձեր տեսակետը չլիսող մարդկանց մեղադրել հերետիկոսության մեջ: Գալիս է այն ժամանակաշրջանը, երբ տարբեր կրոնական հոսանքների պատկանող շատ մարդիկ կհասկանան, որ այլևս չկա այն, ինչը դարերով բաժանում էր մարդկանց: Նրանց գիտակցության մակարդակը թույլ կտա, որ վեր կանգնեն հակասություններից և տեսնեն ընդհանրականը:

Իսկ այն կրոնական գործիչները, որոնք կանգնեն հինը և կառչած կմնան կրոնական դոգմաներից, կան ստիպված կլինեն փոխելու իրենց գիտակցությունը, կան կմնան միայնակ, որ իրենց քարոզը կարդան անապատում: Քանզի մարդիկ կլքեն բոլոր այն տաճարները, որտեղ չկա Աստված:

Զգայուն մարդիկ կկարողանան երկրագնդի վրա գտնել այն վայրերը, որոնց թրթռանքները համահունչ են մեր թրթռանքներին: Եվ այն քնակավայրերն ու համայնքները, որոնք դուք կկառուցեք այդ վայրերում, շատ շուտով թույլ կտան ինձ ու իմ եղբայրներին, որ հյուր գանք ձեզ սկզբում կարճ, իսկ հետո՝ ավելի ու ավելի երկար ժամանակով:

Իմացեք, որ ձեր թրթռանքներն ու ձեր մտածողությունն են ներկայումս խոչընդոտում, որ բարձրանաք էվոլյուցիոն զարգացման հաջորդ աստիճանի վրա:

Փորձեցեք վեր բարձրանալ, ես խնդրում եմ ձեզ:

Պատկերացրեք, որ նստած եք պարսպի հետևում և չեք տեսնում, թե ինչ կա դրանից այն կողմ: Ընդամենը փոքրիկ ջանք է պահանջվում, որ

հաղթահարեք այդ արգելքը, դուրս գաք բաց տարածություն և զարմանքով տեսնեք, որ աշխարհն անհամեմատ ավելի բազմազան է ու հետաքրքիր, և կա այն, ինչի համար արժեն ապրել...

Այժմ ձեր գիտակցությունը շատ նեղացված է և ձեր իսկ կողմից կաշկանդված է կայուն կարծրատիպերով: Հարկավոր է, որ հաղթահարեք ձեր գիտակցության այդ վիճակը: Ջարդեք վերջապես ձեր կճեպը և դուրս եկեք Լույս աշխարհի: Դուք նման եք այն ճտերին, որոնց ժամանակը հասել է, որպեսզի ճեղքեն կճեպը և քայլ անեն անծանոթ աշխարհում:

Հին աշխարհն իր բոլոր սահմանափակումներով ու հակասություններով պետք է անցյալի գիրկն անցնի: Ես մեծ հույսեր եմ կապում ձեր արիության, դիմացկունության, խիզախության և ցանկացած իրավիճակում գործելու ձեր ունակության հետ:

Ես մի անգամ չէ, որ ասել եմ այն մասին, որ եկել է այն ժամանակը, երբ աշխարհը պետք է թևակոխի նոր դարաշրջան: Պետք չէ հապաղել ու նայել, թե ինչ են անում հարևանները: Գոյություն ունի միայն ձեր անձնական փոխհարաբերությունն Աստծո հետ, և երբեք չարժե կողմնորոշվել այն բանով, թե ինչ են անում ձեր հարևաններն ու ծանոթները: Ձեր սրտերում առկա է մեխանիզմ, որը մշտապես գիտի, թե որ կողմ եք շարժվում: Եվ այն դեպքում, երբ շարժվում եք դեպի Լույսը, դուք կասկածներ չեք ունենում: Կասկածներն առաջանում են այնժամ, երբ հայացք եք նետում դեպի հետ, որպեսզի ձեր ուղղությունը ճշգրտեք ձեր այն հին ծանոթների միջոցով, որոնք խցկվել են իրենց բները և չեն ուզում քայլ անել դեպի Լույսը:

Եկել է Նոր Ժամանակ, եկել է նրանց համար, ովքեր խիզախ են ու բաց, ովքեր եռանդուն են ու աշխատասեր:

Շտապեք, որ բաց չթողնեք աստվածային հնարավորությունը... Շտապեք անել ձեր քայլը Նոր Աշխարհում...

Ես եկա, որպեսզի խթանեմ ձեզ, արագացնեմ ձեր ընթացքը, քաջալերեմ: Քանզի տեսնում եմ, որ ձեզնից շատերին չի բավարարում խիզախությունն ու վճռականությունը: Ձեզնից շատերը ենթարկվել են շրջապատի ազդեցությանը և հակված չեն ինքնուրույն գործելու:

Ես եկա, որպեսզի ձեզ առաջ մղեմ...

Խիզախե՛ք...

ԵՍ ԵՄ ԲԱԲԱԶԻՆ: ՕՄ

ՎԵՀԱՊԵՏ ԷԼ ՄՈՐԻԱ

29 դեկտեմբերի, 2008 թ.

ՊԱՀԻ ԽՍՏՈՒԹՅՈՒՆԸ ՊԱՐՏԱԴՐՈՒՄ Է ԻՆՁ, ՈՐ ՆԱԽԱԶԳՈՒՇԱՑՆԵՄ ՁԵՁ ՏԵՂԻ ՈՒՆԵՑՈՂԻ ՄԱՍԻՆ

ԵՍ ԵՄ Էլ Մորիան՝ կրկին ձեզ այցի եկածը...

Ես եկել եմ տարեվերջյան այս օրերից մեկում, և դա ունի իր պատճառները: Համամոլորակային բնույթ ունեցող պատճառները: Ես ուզում եմ ձեզ հիշեցնել, որ անցյալ տարի որոշում է ընդունվել Երկիր մոլորակի ֆիզիկական ոլորտի թրթռանքների բարձրացման մասին*: Հնարավոր է, որ այդ լուրն անցել է ձեր գիտակցության կողքով՝ առանց որևէ հետք թողնելու:

Շատ տարօրինակ է լսել Բարձրագույն Կարմայական Խորհրդի ինչ-որ որոշումների մասին, երբ չորս բոլորը տոնական ունայն խառնաշփոթ է տիրում: Եվ հասկանալի չէ, թե այդ լուրն ինչպե՞ս կանդրադառնա ձեզինից յուրաքանչյուրի կյանքի վրա:

Իրոք, մեկ տարի առաջ այդ իրադարձությունն իրեն ոչ մի կերպ չդրսևորեց, և դուք կարծեցիք, որ հավանաբար վերններում ինչ-որ բան խառնել են:

Եվ հնարավոր է, որ ձեզինից շատերը կարծում էին, թե ֆիզիկական ոլորտի թրթռանքների բարձրացումը նման է ինչ-որ տոնական, աղմկոտ և ուրախ մի բանի:

Թույլ տվեք տալ իրավիճակի բացատրությունը, ինչպես ես եմ այն հասկանում, և ինչպես մեկնաբանում եմ Համբարձյալ Վեհապետները:

Ձեր համաշխարհային հանրությունը՝ որպես մարմնավորման մեջ գտնվող անհատների համակցություն, չկարողացավ ինքնուրույնաբար վեր բարձրանալ Էվոլյուցիոն զարգացման հաջորդ աստիճանի վրա: Դուք գերադասեցիք թաքնվել և կյանքից հաճույքներ ստանալ՝ ամեն մեկդ իր հարմարավետ բնի մեջ կույց եկած:

Ուստի որոշում ընդունվեց ձեզ մի փոքր շտապեցնել: Եվ Երկիր մոլորակի ֆիզիկական ոլորտի թրթռանքները մի փոքր բարձրացվեցին: Անցավ մեկ տարի, և թրթռանքների այդ բարձրացումն սկսեց արտահայտվել ձեր կյանքերում: Այն չի վերաբերում որևէ առանձին երկրի, որևէ կոնկրետ անձի կամ մարդկանց որոշակի խմբի, այլ համամոլորակային իրադարձություն է և իր անդրադարձը կունենա Երկիր մոլորակի վրա ապրող բոլոր մարդկանց կյանքերի վրա:

Մեկը չի դիմանա թրթռանքների բարձրացմանը և այլ աշխարհ կտեղափոխվի, մյուսը կհի-

վանդանա, իսկ մեկի վրա էլ թրթռանքների բարձրացումն այնպես կազդի, որ կսրվեն նրա հոգեբանական բոլոր խնդիրները: Ամենավատն այն կլինի, որ պետությունների ճակատագրերը հայտնվեն հոգեկան հավասարակշռությունից գուրկ մարդկանց ձեռքերում, որոնց վրա մենք ազդել չենք կարող, քանի որ նրանք ընտրություն են կատարել հայտնվելու մեզ հակադիր ուժերի ազդեցության տակ: Այդ պատճառով է, որ գոյություն ունի պատերազմների, ահաբեկչական և ցանկացած այլ գործողությունների վտանգ այն մարդկանց կողմից, որոնք փորձում են իրենց հարցերը լուծել հին եղանակներով՝ առանց հաշվի առնելու, որ ժամանակը փոխվել է:

Ուստի նման գործողությունների համակշռումը պետք է և անհրաժեշտ: Մենք փորձում ենք դա անել, սակայն պահանջվում է նաև ձեր օգնությունը:

Համաշխարհային ֆինանսական համակարգը նույնպես պետք է համապատասխանի նոր ժամանակին, և եթե մոտակա ժամանակներում այն չվերակառուցվի և չփորձի բավարարել նոր պահանջները, ապա համաշխարհային տնտեսությանը սպասվում է այնպիսի խոր ճգնաժամ, որի նմանը մարդկությունը չի տեսել ողջ իրեն հասանելի ու նկարագրված պատմության ընթացքում:

Դուք շատ մտածելու բան ունեք տարեվերջյան այս օրերին: Եվ ես կարող եմ հուշել, թե ինչ պետք է նախաձեռնեք: Ձեզ հարկավոր է ձեր ներսում գտնել անդորրի, հանդարտության ու խաղաղվածության այն կետը, որում ներկա է Աստված: Եվ այդ կետից դուք պետք է փորձեք հասկանալ, որ ձեր ֆիզիկական աշխարհում չկա որևէ բան, որը կարողանար ձեզ վնասել, եթե միայն ինքներդ չեք ցանկանում խուճապի մատնվել ու փրկության նպատակով փախուստի դիմել:

Դուք փախչելու տեղ չունեք: Ձեք կարող հավաքել ձեր կենցաղային իրերն ու տեղափոխվել ուրիշ մոլորակ: Ձեզ կվիճակվի դիմանալ մինչև վերջ: Կվիճակվի համակերպվել այն ամենին, ինչ պետք է տեղի ունենա և արդեն տեղի է ունենում: Իմ կողմից կարող եմ ասել, որ ձեզ որոշակի հնարավորություն է տրվում, և ամեն ինչ տեղի է ունենում շատ դանդաղ: Այնպես որ բառացիորեն ձեզինից

*Տես 2007 թ-ի դեկտեմբերի 28-ի ուղերձը

յուրաքանչյուրն ունակ է ազդեցություն գործելու աշխարհում ընթացող գործընթացների վրա: Որքան շատ մարդիկ կարողանան պահպանել անդդվելիություն ու հանդարտություն, որքան շատ լինի ձեր հավատը, այնքան ընթացող ամեն ինչը տեղի կունենա ու կընդլայնվի ավելի հեշտ ճանապարհով:

Այժմ ձեզ անհրաժեշտ է հավատալ, որ ոչ մի ուժ չի կարող վնաս պատճառել ձեր հոգիներին, քանի դեռ վստահ կլինեք ձեր սեփական անխոցելիության մեջ:

Հասել է ձեր ակտիվ գործողությունների ժամանակը: Այ՛նչ և չեք կարող այնպիսի տեսք ընդունել, որ իբր ոչինչ տեղի չի ունենում: Եվ ձեր նախկին ժամավաճառությունները, զբաղմունքներն ու խաղերը շատ շուտով ձեզ կթվան կատարյալ անպետքություններ, և դուք կգարմանաք, թե որքան աննպատակ ժամանակ եք վատնել դրանց վրա: Անհրաժեշտ է հետ բերել կորցրածը: Եվ ձեզնից նրանց է ուղղված այսօրվա իմ խոսքը, ովքեր պատրաստ են գործելու հանուն Երկիր մոլորակի կենսահոսքերի բարօրության, ովքեր պատրաստ են արթնացնելու քնածներին և նրանց դուրս հանելու իրենց հրդեհվող տներից:

Շտապեցե՛ք: Ժամանակ քիչ է մնացել: Մենք

արթնության ենք կոչում բոլոր նրանց, ովքեր դեռևս ի վիճակի են արթնանալու: Մենք անում ենք այն ամենը, ինչ թույլ են տալիս մեր ուժերը: Իսկ դուք անո՛ւմ եք այն, ինչ թույլ են տալիս ձեր ուժերը:

Կարո՞ղ եք արդյոք արթնացնել և ուղի դուրս բերել ձեր շրջապատից գոնե մի հոգու:

Շատերն այնքան քաղցր են քնած, որ ոչինչ չեն ընկալում: Շանտ ափսոս, որովհետև տիեզերական հնարավորության ժամանակն արդեն մոտենում է իր ավարտին: Եվ հարցը միայն այն է, թե որքան հոգիներ դեռևս կարող են փրկվել: Հաշվի մեջ է յուրաքանչյուր հոգին:

Եվ ժամանակը կարճ է, ինչպես երբեք:

Ես այս օրով եկա, որպեսզի դուք վերջապես գիտակցեք իրավիճակի լրջությունը: Փորձե՛ք հասկանալ, որ ձեր անխոցելիությունն ուղղակիորեն կապված է ձեր Հավատի ու սլիքվածության հետ՝ այն բանի հետ, թե որքանով եք ունակ ենթարկվելու համայն տիեզերքում գործող Աստծո Օրենքին:

Ես չեմ ահաբեկում, բայց պահի խստությունը ստիպում է ինձ զգուշացնել ձեզ տեղի ունեցողի մասին և ձեր ձեռքը տալ փրկության հնարավորության ճոպանը:

ԵՍ ԵՄ ԷՆ Մորիան

ՏԵՐ ՄԱՅՏՐԵՅԱ

30 դեկտեմբերի, 2008 թ.

ՈՒՍՄՈՒՆՔ ԱՇԽԱՐՀՈՒՄ ՏԵՂԻ ՈՒՆԵՑՈՂ ՓՈՓՈԽՈՒԹՅԱՆ ՄԱՍԻՆ

ԵՍ ԵՄ Մայտրեյան՝ այս օրով ձեզ այցի եկածը...

Որքան ուրախալի է ֆիզիկական ոլորտի թրթռանքները կրկին զգալը. որքան քաղցր է այսօրվա մեր հաղորդակցությունը կանխավայելելը...

Ես երկար սպասում էի, որ գամ ու գրուցեմ ձեզ հետ: Եվ ահա եկան: Իմ Ուսմունքը ձեզ համար շատ հոգնեցուցիչ չի լինի: Ես եկել եմ, որպեսզի պատկերացում տամ իմ գալստյան մասին:

Գիտակցում եք արդյոք, թե որքան տարբեր են մեր թրթռումները: Գիտակցում եք արդյոք, որ ինձ համար անհնարին է ձեր աշխարհի մուտք գործելը: Դուք ապրում եք ձեր աշխարհում, և այն հարազատ է ձեզ համար: Այդտեղ ամեն ինչ հարմարեցված է ձեր ապրելու համար:

Բայց ինձ համար այդպես չէ: Եթե մի վայրկյան ենթադրենք, որ մուտք եմ գործել ձեր աշխարհ, ապա, ի՞նչ եք կարծում, կկարողանամ ընկալել այն ամենն, ինչը ձեզ շրջապատում է. մեքենաների

արձակած զազերն ու դրանց աղմուկը, ձեր, այսպես կոչված, երաժշտությունը, ծխախոտի հոտը...

Նորմալ բան եք համարում, որ Վեհապետները հայտնվեն նման իրավիճակում:

Դե ինչ, ես եկել եմ, որպեսզի ցրեմ ձեր մոլորությունները: Երբեք և ոչ մի Վեհապետ ձեր աշխարհի մուտք չի գործի, քանի դեռ ձեր աշխարհը գտնվում է այնպիսի վիճակում, ինչպիսին հիմա է: Դժվարն այն է, որ ձեր աշխարհը հնարավորինս արագ բերվի այնպիսի վիճակի, որ Վեհապետները կարողանան գալ և մնալ այդտեղ: Իսկ մինչ այդ մենք ստիպված ենք օգտվել թարգմանիչների ծառայությունից, որոնք մեր դեսպանորդի նման ձեզ են փոխանցում այն ամենի իմաստը, ինչը մենք կամենում ենք հասցնել ձեր գիտակցությանը:

Շատ հասարակ բան է թվում աշխարհն այնպես փոխելը, որ Համբարձյալ Վեհապետները կարողանան այնտեղ գտնվել: Շատ քիչ բան է

պահանջվում ձեզնից: Սակայն ո՛չ, ձեր գիտակցությունն այնպես է կարծրացել, որ չի ուզում ենթարկվել գոնե մի փոքր փոփոխության:

Պատկերացրե՛ք, որ ձեզ, այս պահից սկսած, վիճակվի հրաժարվել բոլոր այն սովորություններից, որոնցից կառչած եք՝ ծխելուց, անաստված երաժշտություն լսելուց, հեռուստացույց դիտելուց... Ստիպված լինե՛ք հրաժարվել դատապարտումից, նախանձից, ատելությունից, չարամտությունից...

Ի՞նչ եք կարծում, իրատեսակա՞ն է դա:

Նույնքան էլ իրատեսական է ներկա ժամանակում իմ մուտք գործելը ձեր աշխարհ:

Եվ ես մյուս Համաբարձյալ Վեհապետների պես հույս եմ տածում, որ համատեղ ջանքերով մենք կկարողանանք փոխել Երկիր մոլորակի ֆիզիկական ոլորտը: Դուք այլևս չպետք է ապրեք այնպիսի իրավիճակում, ինչպիսին այժմ է: Աստվածամարդուն դա սազական չէ: Դուք պետք է ջանք թափեք, որ փոխեք ձեր թրթռումները, ձեր գիտակցության մակարդակը: Եվ առաջին քայլը, որ պետք է անեք այդ ուղղությամբ, այն է, որ հասկանաք, որ ձեզ շրջապատող ամեն ինչը պետք է փոխվի և պետք է փոխվի ձեր օգնությամբ:

Եվ այդ ամենի միջից ամենադժվար փոփոխության ենթարկվողը ձեր գիտակցությունն է: Ձեր խելքն այքան ճարակախույս է, որ երբեմն ապշած ես մնում, թե որքան արդարացումներ, պատճառներ ու խորամանկություններ է բանեցնում, միայն թե չհրաժարվի կարծես ամենաաննշան որևէ բանից: Հապա փորձե՛ք հենց հիմա թողնել ծխելը: Հապա փորձե՛ք հրաժարվել ձեզ համար սովորական դարձած սին հեռուստադիտումից: Ձեզնից ամեն մեկն ունի իր սրտին սիրելի, անմեղ կապվածություններ, որոնցից հրաժարվելն անհամեմատ ավելի դժվար է իր համար, քան աշխարհի ամենամեծ սարը մի այլ վայր տեղափոխելը:

Ձեզ համար ավել հեշտ է գետերը հետ շրջելը, անասպատում քաղաք շինելը, քան ձեր մի վատ սովորությունից կամ կապվածությունից հրաժարվելը:

Ուստի մենք խոսում ենք այն մասին, որ հարկավոր է փոխել ֆիզիկական ոլորտի թրթռանքը: Հարկավոր է, և մենք դա անում ենք: Քանզի եթե սկսենք սպասել, թե երբ կկարողանաք փոխել ձեր գիտակցությունն ու կենսակերպը, ապա վախենամ, թե երբեք դա տեղի չի ունենա:

Չափազանց քաղցր է մատերիայի մեջ ձեր քունը: Եվ չափազանց դժվար գործ է նոր կյանքի համար ձեր արթնանալը: Չէի ուզենա տխուր բաներից խոսել: Շատ կուզենայի ձեզ ուրախ լուրեր հաղորդել: Իսկ դրանք կան: Եվ դրանք մեր այն պլաններն են, որ վերաբերում են Երկիր մոլորակին: Դրանք այնքան վիթխարի են, որ դուք ի վիճակի չեք լինի հավատալու, որ շատ մոտ ապագայում դրանք իրականություն կդառնան:

Դուք թաղված եք ծանր կարմայական վիճակի մեջ և չեք նկատում որևէ բան, որը մի փոքր ավելի վեր է գտնվում ձեր սովորական տեսադաշտից: Եվ

դա լիովին հասկանալի է: Երբ Երկիր մոլորակի ողջ ֆիզիկական ոլորտի թրթռանքները բարձրանում են, ձեր մարմինները սկսում են ընդհուպ հետևել շրջապատի միջավայրին: Եվ ձեր ֆիզիկական մարմնի ու ավելի նուրբ մարմինների թրթռումների բարձրացմանը զուգընթաց դրանցից սկսում է դուրս թափվել ողջ այն կարմայական աղբը, որը կուտակվել է այնտեղ միլիոնավոր տարիների ընթացքում: Ձեր վիճակը նախանձելի չէ...

Ուստի ես եկել եմ, որպեսզի բացատրեմ, թե ինչ է տեղի ունենում ձեզ ու ձեր շրջապատի մարդկանց հետ: Եթե գիտեք տեղի ունեցողի պատճառը, ապա կարող եք ավելի հեշտ տրամադրվել սովյալ իրավիճակի ընդունմանը: Դուք ձեզնից դուրս ոչինչ չեք կարող փոխել, սակայն կարող եք փոխել ձեր վերաբերմունքը ձեզ հետ և մյուս մարդկանց հետ տեղի ունեցողի, ինչպես նաև արտաքին հանգամանքների նկատմամբ:

Ես ուրախ եմ, որ հաջողվեց ձեզ հասցնել ձեր աշխարհի փոփոխություններին վերաբերող Ուսմունքի որոշ դրույթներ: Եվ ես կարծում եմ, որ շատերին իմ բացատրությունները հնարավորություն կտան գիտակցորեն մոտենալու իրենց կյանքի արտաքին ու ներքին հանգամանքներին: Եվ առավել ուրախ կլինեի, եթե ձեր աշխարհում ավելի մեծ թվով մարդկանց մատչելի դառնային այս տեղեկություններն ու մեր կողմից տրվող Ուսմունքը:

Քանզի այն դեպքում, երբ հասկանում եք, թե ինչ է տեղի ունենում, կարող եք այնպիսի միջոցներ ձեռնարկել, որոնք թույլ կտան ձեզ իրականացնել ձեր գիտակցության անցումը նոր մակարդակի հնարավորինս հեշտ ու անցավ կերպով:

Այդ միջոցները հանրահայտ են: Դրանց թվում են ճիշտ սնունդը, ճիշտ կենսակերպը, մտքերի ու զգացմունքների մաքրությունը, ճիշտ երաժշտության ունկնդրումը և, իհարկե, աղոթքային ու ներխոյակումային գործառնությունները: Քանզի այն դեպքում, երբ օգնության կանչով դիմում եք Բարձրագույն ուժերին, Բարձրագույն աշխարհներին ու Համբարձյալ Վեհապետներին, ապա ստանում եք ձեզ անհրաժեշտ ամբողջ օգնությունը: Եվ ձեզ օգնություն ցուցաբերելու աստիճանը կախված է միայն ձեր մղվածությունից, աղոթքից ու ձեր սրտի մաքրությունից: Երկնայինները մշտապես օգնություն ցուցաբերում են: Նույնիսկ այն դեպքում, երբ թվում է, թե անելանելի իրավիճակում եք հայտնվել, միշտ էլ հնարավոր է լուծում գտնել աստվածային Ուղով: Հարկավոր է միայն հավատալ և գործադրել բոլոր ջանքերը իրավիճակից սեփական ուժերով դուրս գալու համար:

Մենք տալիս ենք հնարավորություն և էներգիա, իսկ դուք պետք է այդ հնարավորությունն ու էներգիան օգտագործեք ըստ նշանակության: Այդպես կիրականանա մեր համագործակցությունը:

Շատ ափսոս, որ պետք է բաժանվեմ ձեզնից: Միևնույն նոր հանդիպում:

ԵՍ ԵՄ Մայրերեյան

ԴԵՊԻ ԱՍԾՈՆ ԱՇԽԱՐՀԻ ԼԵՌՆԱԳԱԳԱԹՆԵՐԸ ՏԱՆՈՂ ՆԵՂ ԱՐԱՀԵՏ

ԵՍ ԵՄ Սերապիս Բեյը՝ այսօրվա մեր գրույցի համար ձեզ այցի եկածը: Դուք, հավանաբար, այժմ պատրաստ չեք այն լուրջ խոսակցությանը, որը հիմա կկայանա: Այնուհանդերձ ես պնդում եմ, որ կենտրոնանաք ու գործադրեք բոլոր ջանքերը, որպեսզի լսեք ինձ:

Ես շատ բաներ եմ հաղթահարել, որպեսզի լսելի դառնամ: Դուք նույնպես ջանք գործադրեք:

Ներկայումս այս դեսպանորդի միջոցով ձեզ այցի են գալիս Վեհապետները: Եվ, հավանաբար, ձեզ թվում է, թե միշտ այսպես կշարունակվի: Մենք գալիս ենք, որպեսզի միաբանենք այն հոգիներին, որոնք մեր կողմից են, բայց մոլորված վիճակում են: Մեր դեսպանորդի միջոցով մենք նրանց ենք մեկնում հնարավորության ճոպանը: Եվ այդ հոգիների համար մենք պատրաստ ենք շատ բան անելու, որ նրանք գտնեն իրենց Ուղին: Իսկ գիտե՞ք, թե ինչու: Որովհետև այդ հոգիների հետ կարմայորեն կապված են մեզնից շատերը՝ Համբարձյալ Վեհապետները: Դեռ այն ժամանակ, երբ մարմնավորման մեջ էինք գտնվում, մենք հնարավորություն ունեինք համագործակցելու ձեզ հետ: Մենք ընդհանուր գործեր էինք անում՝ հանուն հասարակության բարոյական հիմքերի վերածննդի: Հիմա դուք այդտեղ եք՝ ֆիզիկական ոլորտում: Եվ կարող եք հույս կապել մեր օգնության հետ, սակայն գործի հիմնական ծանրությունն ընկած է ձեր ուսերին:

Այն մշակույթը կամ, ավելի ճիշտ, մշակույթի բացակայությունը, որ պարուրել է ձեր հասարակությանը, ենթակա է անհապաղ կերպավորողության ու վերակերտման: Մենք ձեզնից կոնկրետ քայլեր ենք ակնկալում, որոնք ուղղված կլինեն այն սկզբունքների վերականգնմանը, որ մենք պնդել ենք բոլոր ժամանակներում: Ձեր մեջ հայտնվել է Բողոքան, հայտնվել է Մովսեսը, հայտնվել է Մուհամեդը, հայտնվել է Հիսուս: Բոլորն էլ խոսել են որոշակի սկզբունքներից, որոնց հիման վրա պետք է կառուցվի առողջ հասարակություն:

Ձեր հասարակությունն այժմ հիվանդ է: Եվ մենք գալիս ենք, որպեսզի դեղ նշանակենք ձեր հիվանդության դեմ: Ձեր հիվանդությունը կապված է այն բանի հետ, որ ազատությունն ընկալում եք որպես ամենաթողություն:

Ձեր ազատությունը սահմանափակված է այս տիեզերքում գործող Աստծո Օրենքով: Եվ եթե

դուք մտադիր եք այսուհետև ևս խախտել ու ոտնատակ տալ այդ Օրենքը, ապա ապագայի աշխարհում ոչ մի անելիք չունեք: Քանզի Երկիրը՝ որպես ամբողջական մոլորակ, պետք է անցում կատարի իր զարգացման նոր գալարին:

Եվ ինչպես միշտ, այն բանից առաջ, երբ թռիչք պետք է կատարվի մարդկության զարգացման գործընթացում, յուրաքանչյուրին հնարավորություն է տրվում կատարելու իր ընտրությունը: Այստեղից էլ հենց սկիզբ են առնում թվացյալ խառնաշփոթն ու ամենաթողությունը, բարեկրթության ու բարոյականության բացակայությունը: Որովհետև ամենքին ընտրության հնարավորություն է տրվում: Եվ երբ ամենաթողության շրջանակները չափից դուրս ընդարձակվում են, ձեր հոգու համար բացվում է այն իրական ընտրությունը, որին ի վերջո հետևում եք:

Որպեսզի կատարվի աստվածային նախընտրանքը, այդ մասին թմբկահարելու կարիք չկա: Այդ նախընտրանքը դուք կատարում եք ձեր սրտերում: Եվ դա անում եք բառացիորեն Երկրի վրա ձեր գտնվելու ամեն թույլով:

Հեռուստատեսությամբ, համացանցով կամ հենց փողոցում ձեզ հաճկատարորեն դեմ են տալիս վարվելակերպի ցածրակարգ նմուշներ: Եվ այդ պայմաններում ձեզնից յուրաքանչյուրը ստիպված է լինում ընտրություն կատարել կամ շրջապատող պատրանքի, կամ էլ Աստծո Աշխարհի օգտին:

Ընտրություն կատարելը բարդանում է այն պատճառով, որ Աստծո Աշխարհի ցուցանմուշներն այնքան մատչելի չեն, որքան հակառակ ցուցանմուշները: Դրա համար է ասվել, որ լայն է դեպի դժոխք տանող ճանապարհը, և նեղ է այն արահետը, որը ձեզ տանում է դեպի Աստծո աշխարհի լեռնագագաթները*:

Միշտ էլ այդպես է եղել, երբ աշխարհը կանգնել է լուրջ ընտրության առջև: Եվ այս իրադրության մասին, որը հիմա գոյացել է, ասված է նաև Աստվածաշնչում, նաև անցյալի բազմաթիվ դեսպանորդների ու մարգարեների գրվածքներում:

Եվ ահա ժամը հասել է: Ինչո՞ւ չեք անհանգստանում: Ինչո՞ւ տազնապ չեք հնչեցնում:

Հասել է գործելու ժամը: Քանզի ձեզնից յուրաքանչյուրից է կախված նաև այն բերքը, որը կհավաքի Մահը, նաև այն բերքը, որը կհավաքի Կյանքը:

*Մտթ. 7-13,14, Գկ. 13: 23-24

Դուք ձեզ հաշիվ տալիս եք արդյոք, որ ժամանակը փոխվել է: Փոխվել է հենց ինքը՝ ժամանակի ընթացքը: Դրա համար էլ ասվում է, որ ժամանակը կարճ է. պետք է ամեն ինչ հասցնել:

Անտեղի մի՛ վատնեք աստվածային հնարավորության այն ժամերը, որոնք հատկացվել են ձեզ: Այնպիսի տեսք մի՛ ընդունեք, որ մեր ասածները ձեզ չեն վերաբերում: Այն ամենը, ինչ մենք ասում ենք, վերաբերում է ներկայումս մարմնավորման մեջ գտնվող յուրաքանչյուրին:

Նոր գիտակցությունը պետք է ծիլ տա այն փուլում տատանակի միջավայրում, որով այժմ պատված է ողջ մոլորակը: Ուստի դրա շիվերը պետք է լինեն բավարար ուժեղ, որպեսզի հաղթահարեն գոյություն ունեցող բոլոր արգելքները և ձգվեն դեպի Արևը, աստվածային գիտակցության Արևը:

Ես նկարագրում եմ այն պատկերը, որին իրապես դուք բախվում եք ձեր կյանքի ընթացքում: Եվ դեպի աստվածային գիտակցության Արևը մղվելու այդ պատկերը պետք է մշտապես ունենաք ձեր ներքին հայացքի առջև: Նկատի ունեցեք, որ ձեր կյանքի հանգամանքներն այնպես են դասավորվել, որ ձեզ կվիճակվի լուծել կարմայական մեծաքանակ հանգույցներ: Եվ մի մարմնավորման ընթացքում դուք երբեմն ունակ եք դառնում հանգուցալուծելու հազարամյակների կարմա: Ահա և արագացված է ժամանակը: Ուստի պետք չէ ան-

տեղի ժամանակ վատնել: Սկսե՛ք կառուցել ձեր շրջապատի մարդկանց հետ նոր փոխհարաբերությունների նոր սկզբունքներ:

Դրսևորեք դիմացկունություն և արիություն, որպեսզի հրաժարվեք այն բոլոր հրապուրանքներից, որոնցով փորձության եք ենթարկվում ձեր քաղաքների ու գյուղերի անապատում: Քանզի իրապես ձեր քաղաքները նման են հոգևոր անապատների: Ուստի և մենք չենք հոգնում ձեզ կոչ անելուց, որ վերականգնեք բարոյականությունն ու բնության հետ կապը:

Միակ բանը, որով կարող է փրկվել կործանումից ներկայիս քաղաքակրթությունը, այն է, որ հնարավորինս շատ անհատականություններ գիտակցության նոր մակարդակի վրա բարձրանան:

Տասը ուղղահավաստներ կարող են փրկել մի ողջ քաղաք: Հազար ուղղահավաստներ կարող են փրկել ողջ աշխարհը:

Ես եկա, որպեսզի ճիշտ ուղղություն տամ ձեր մղվածությանը:

Մի՛ ենթարկվեք խորամանկ խաղալիքների ազդեցությանը և մի՛ մտեք այն վրանների տակ, որտեղ կտիրեն ձեր ամենաթանկ գանձին՝ ձեր հոգուն:

ԵՄ ԵՄ Սերապիս Բեյը՝ ձեր հոգիների նկատմամբ հոգածությունը

ՀԱՌԻԹԱՄԱ ԲՈՒԴՂԱ

1 հունվարի, 2009 թ.

ՀԻՄԱ ԳՏՆՎՈՒՄ ԵՆՔ ԷՎՈԼՅՈՒՑԻՈՆ ՈՒՂՈՒ ՇԱՏ ՆԵՂ ՓՈՒԼՈՒՄ

Ս ԵՄ Հառության Բողոքան:

Ես եկա մի օր, որն ընդունված է նշել որպես նոր տարվա սկիզբ:

Այս օրով իմ գալն ավանդական է դարձել:

Դե ինչ, ես սկսում եմ:

Հավանաբար նկատում եք, թե տարեցտարի ինչ է տեղի ունենում Երկրի հետ: Ձեզ շրջապատող ողջ ունայնից այն կողմ կարելի է նշմարել տեղի ունեցող ընդհանրականը: Թվում է՝ մարդիկ, ըստ սովորության, ինչ-որ գործեր են անում, սակայն դրանք չեն տալիս նախկին գոհացումը, հաճույքը, ուրախությունը:

Ամեն ինչ ինտեգրիայով է շարժվում: Բայց կգա պահը, երբ հին մտածողությունն ու հին կենսակերպը կսպառեն իրենց շարժման ողջ ներուժը:

Եվ աշխարհը զարմանքով կարձանագրի, որ

սկսվել է նորը: Այժմ հենց այն պահն է, երբ նոր գիտակցությունը, նոր մտածողությունն ու նոր կենսակերպը պետք է ծնունդ առնեն: Եվ սկզբնական շրջանում դա կթվա շատ անսովոր ու օտարոտի:

Կանցնի ևս մի որոշ ժամանակ, և նոր ժամանակի ուրվագծերն ավելի ու ավելի կգրավեն մարդկանց գիտակցությունը:

Ներկայումս ձեզ համար դժվար է դրան հավատալ, բայց հենց այդպես էլ կլինի:

Դա չի կարող չլինել: Եվ գլխավոր բանը, որ պետք է ի հայտ գա, համայնքի գիտակցությունն է. ո՛չ այն գիտակցությունը, երբ ամեն ոք ձգտում է ապրել ուրիշի հաշվին, այլ համայնքի այնպիսի գիտակցություն, երբ ամեն ոք ջանում է օգտակար լինել բոլորին: Իսկ դա հենց այն է, ինչին հարկ է, որ ձգտեք: Դուք պետք է ծլեցնեք ձեր ներսում նոր

գիտակցության շիվերը: Պետք է աճեցնեք ձեր մեջ համայն կյանքի հետ միասնության զգացողությունը: Շատ քիչ են նրանք, ովքեր կարող են հենց հիմա հասնել նոր գիտակցության: Ուստի անհրաժեշտ է ջանքերի համախմբում դրսևորել:

Նորը միշտ էլ առաջացրել է դիմադրություն ու հակակրանք: Ձեր խնդիրն է այնպես անել, որ նորը ներամոլի գոյություն ունեցող ամեն ինչի մեջ այնպես անել, որ հին ձևանմուշներն աստիճանաբար փոխարինվեն նորերով:

Այդ դեպքում մենք կկարողանանք խույս տալ փոփոխությունների ավելի արմատական, խստաշունչ տարբերակից:

Որքան ավելի շատ մարդիկ իրենց սրտերում հայտնաբերեն նոր գիտակցության շիվեր, այնքան ամբողջ մարդկության համար ավելի հեշտ կլինի նոր մակարդակի անցնելը:

Որևէ գաղտնիք բացած չեմ լինի, եթե ասեմ, որ գոյություն ունի ողջ մարդկության ընդհանրական անգիտակցականը: Եվ այն դեպքում, երբ այդ անգիտակցականում կուտակվում է ագրեսիայի, ահի, մերձավորի հաշվին ապրելու որոշակի ներուժ, ծագում են պատերազմներ և ավերածություններ:

Բայց այժմ հասել է այն ժամանակը, երբ մարդկության ընդհանրական անգիտակցականում տեղի է ունենում դրական էներգիայի կուտակում՝ ուղղված դեպի Բարիքը, Բարին, Մերը:

Վաղ թե ուշ այն, ինչը գերակշռում է նուրբ ոլորտում, սկսում է իջանել ֆիզիկական ոլորտ:

Ներկայումս ֆիզիկական ոլորտ է իջնում տասներկուամյա վաղեմության ձեր գիտակցությունը: Դուք քաղում եք ձեր անցյալի սխալների ու մոլորությունների պտուղները:

Այժմ ժամանակը հոսում է արագացված տեմպով: Եվ այն, ինչ հիմա կերտում եք ձեր գիտակցությամբ, ֆիզիկական ոլորտ կիջնի յոթ տարի հետո: Ուստի հարկ է, որ ձեր գիտակցությունը պահեք ձեզ համար մատչելի առավելագույնս բարձր մակարդակի վրա:

Կան մարդիկ, որոնք իրենց հանձնել են մեզ հակադիր ուժերի կողմից հռչակվելուն: Վերջիններս իրենց ներսում չունեն աստվածային էներգիայի սեփական աղբյուրը: Ուստի իրենց առջև խնդիր են դրել յուրացնելու ձեր էներգիան: Դուք ճանաչում եք այդ մարդկանց այն պտուղներով, որոնցով շրջապատված են ֆիզիկական ոլորտում: Չնայած թվացյալ բարեկեցությանը՝ նրանց շուրջը տիրում է հոգևոր անապատ:

Ուստի հարկ է, որ շատ զգույշ լինեք և դատարկ բաների վրա շաղ չտաք Աստծո այն թանկարժեք էներգիան, որի պակասությունը մոլորակն ունի:

Հիշեք՝ որտեղ կենտրոնացնում եք ձեր ուշադրությունը, այնտեղ էլ հոսում է ձեր էներգիան: Ուստի ջանացեք, որ ձեր էներգիան օգտագործեք ձեր աշխարհում ճիշտ կերպեր աճեցնելու համար: Պտուղների երևան գալը չի ուշանա Երկիր մոլորակի ֆիզիկական ոլորտում: Դուք պետք է վերա-

հսկեք Աստծո էներգիայի յուրաքանչյուր էրգը: Ուստի առաջնահերթ է դառնում, որ ձեր գիտակցությունից ու շրջապատող իրականությունից դուրս մղեք բոլոր անաստված դրսևորումները: Դրանք կարող են լինել նկարներ, ֆիլմեր, խաղեր կամ սխալ, ոչ-աստվածային թրթռանքներ պարունակող երաժշտություն: Ձեր կյանքերում այն հաստատություններում, ուր հաճախում եք՝ մանկապարտեզներում, դպրոցներում, առողջապահական հիմնարկներում, չափազանց շատ են հին կարծրատիպերը, որոնք հիմնված են մարդկային վախի ու տգիտության վրա:

Ավերեք վախի, տգիտության ու սնոտիապաշտության պատվարները ձեր սրտերում ու մտքերում, և մոլորակը կմաքրվի ոչ ճիշտ կերպերից:

Հասել է ժամանակը, երբ պետք է սովորեք գանազանել ձեզ շրջապատող ամեն ինչի թրթռանքները: Փորձեք վստահել ձեր սրտին և զարմանքով կնկատեք, որ ձեր սիրտը ձեզ միշտ ճիշտ հուշումներ է տալիս և ձեր կյանքում ձեզ ուղղորդում ճիշտ ճանապարհով:

Հարկ չկա, որ ղեկավարվեք ձեր շրջապատի մարդկանց խորհուրդներով: Ժամանակն է, որ ձեզ հետաքրքրող բոլոր հարցերի պատասխանները ստանաք հենց ձեր ներսից:

Այս տարին վճռորոշ է և բեկումնային: Այն բանից, թե որքան շատ մարդիկ և ինչ աստիճանով կկարողանան փոխել իրենց գիտակցությունը և վեր կանգնել հասարակությունում հաստատված կարծրատիպերից, կախված է այն, թե դեպի ուր ուղղված կլինի մոլորակի էվոլյուցիան հաջորդ տարում: Մենք կոչ ենք անում, որ խնամքով հետևեք Աստծո էներգիայի ծախսին: Այն խախտու համակշռությունը, որը մենք այսքան դժվարությամբ պահպանում ենք, կարող է խախտվել ձեր չկշռադատված գործողությունների հետևանքով:

Երբեմն ավելի լավ է ոչինչ չանել, քան ոչ ճիշտ մտապատկերներով ալեկոծել աստեղային ոլորտը: Քանզի այդ ոլորտի ստորին շերտերը սերտորեն կապված են Երկիր մոլորակի ֆիզիկական ոլորտի հետ, և ոչ ճիշտ նմուշների նստեցումը կարող է վրա հասնել բառացիորեն հենց վաղը:

Դրա հետ կապված որոշակի դժվարություն կա: Բարձրագույն օկտավաներից կատարյալ կերպերի նստեցումը տեղի է ունենում անհամեմատ ավելի դանդաղ, քան անկատար կերպերի նստեցումն աստեղային ոլորտից:

Նուրբ աշխարհն ապրում է իր օրենքներով: Եվ խելամիտ բան չէ բառ ու քլունգով նուրբ ոլորտի զանազան շերտեր մուտք գործելը: Անհրաժեշտ է գիտակ լինել և զգույշ: Տգիտությունը երբեք լավ բանի չի հանգեցրել:

Եվ համակարգչի առաջ նստած վայրենին ոչնչով լավ չէ ջունգլիներում ապրող վայրենուց: Որքան շատ հնարավորություններ են հայտնվում տգետի ձեռքերում, այնքան ավելի վատ հետևանքներ կարող են լինել:

Ուստի մենք ձեզ ուսուցանում ենք զգուշություն, զգայունություն, զանազանում:

Հիմա գտնվում ենք էվոլյուցիոն ուղու շատ նեղ փուլում: Այն պետք է անցնել գերագույն զգուշությամբ:

Հիշեք, որ ձեր ամեն միտքն ու բառը ցնցում են Երկիր մոլորակի շրջակա տարածությունը:

*ԵՍ ԵՄ Հաութամա Բուդդան՝
ԵՍ ԵՄ-ի աշխարհում գտնվողը*

ՎԵՀԱՊԵՏ ԿՈՒԹՀՈՒՄԻ

2 հունվարի, 2009 թ.

ՈՒՍՄՈՒՆՔ ԹՐԹՈՒԱՆՔՆԵՐԻ ՓՈՓՈԽՈՒԹՅԱՆ ՄԱՍԻՆ

ԵՍ ԵՄ Կութումին, այս օրով եկել եմ, որպեսզի տամ մի Ուսմունք, որը ձեզ կարող է նոր թվալ, սակայն այս նյութը մեր աշակերտներին մենք ուսուցանել ենք դեռևս հինավուրց Լեմուրիայի տաճարներում:

Այս Ուսմունքը վերաբերում է այն բանին, թե ձեր կյանքի ընթացքում ինչպես եք կորցնում Աստծո հետ համալարվածությունը. նաև այն մասին է, թե Աստծո աշխարհի հետ ինչպես նորից ձեռք բերեք համալարվածություն:

Ողջ մեխանիզմը, թե ինչպես է դա տեղի ունենում, թաքնված է հենց ձեր ներսում: Եվ այդ պատճառով կարիք չկա, որ դուք դիմեք այլազան պաշտամունքների սպասավորների, հեքիմների, բուժարարների և, առավել ևս, բժիշկների, որպեսզի ձեր մեջ հայտնաբերեք այդ մեխանիզմը՝ այն ունակությունը, որի միջոցով ակնթարթորեն, հաշված րոպեների ընթացքում կարող եք բարձրացնել ձեր թրթռումների մակարդակը և հասնել եթերային օկտավաների մակարդակին:

Երևի սաստիկ շարժեցի՞ ձեր հետաքրքրասիրությունը...

Այնուհանդերձ ես պնդում եմ, որ ձեզնից ամեն ոք, առանց կողմնակի օգնության, օրվա ընթացքում կարող է վեր հանել իր գիտակցությունը նույնիսկ այնժամ, երբ գտնվում եք քաղաքում կամ ավելի փոքր բնակավայրում, և շրջակա միջավայրի պայմանները անբարենպաստ են դրա համար:

Բոլոր ժամանակներում գոյություն են ունեցել տաճարներ՝ առանձին շինություններ, որոնցում մարդիկ կարողացել են հեռանալ ունայնից և հասնել Հավերժության:

Այժմ տաճարներում նույն վիճակն է տիրում, ինչ որ փողոցում է: Ուստի միակ վայրը, որտեղ կարող եք ձեզ հարմարավետ զգալ ու հպվել Հավերժությանը, գտնվում է ձեր սրտում: Այնտեղ՝ ձեր ներսում, միանում են աշխարհները: Այնտեղ՝ ձեր ներսում է, որ հանգստության կիսանքը նույնիսկ այնժամ, երբ ձեզ քշել են ուզում ձեր ժամանակների մրրիկները:

Հարկ է, որ ձեռք բերեք այդ ունակությունը: Այն ձեռքբերովի բան է: Նախ և առաջ պետք է հասկանաք, որ ձեր էությունը բազմաչափ է և բազմաուղրու: Դուք մուտք եք գործել ֆիզիկական աշխարհ, որպեսզի փորձ ձեռք բերեք: Դրա համար ձեզ տրված է պաշտպանիչ սաղավարտ՝ ձեր ֆիզիկական մարմինը: Այն դեպքում, երբ խորապես հասկանում եք, որ ձեր ֆիզիկական մարմինը ձեր իրական մասը չէ, ձեր գիտակցությամբ ակնթարթորեն բարձրանում եք մինչև եթերային օկտավաների մակարդակները:

Դա շատ պարզ մի գործառություն է, որը ձեզնից չի պահանջում լրացուցիչ միջոցներ ու պատրաստություններ: Այդ գործառությանն ընտելանալու համար ձեզ պետք է միայն մշտապես վարժություններ անել: Եթե դուք մարզիկ եք և ուզում եք ձեր մարզաձևում համաշխարհային ռեկորդ սահմանել, սպա ձեր ողջ ջանքը կյանքը ներդնում եք, որպեսզի հասնեք ձեր ուզածին:

Ուստի, որպեսզի սովորեք հաշված րոպեների ընթացքում վեր հանել ձեր գիտակցությունը, պետք է փորձառություն անցնեք այդ գիտության բնագավառում, և արդյունքը երկար չի սպասեցնի:

Ձեզ կարող է թվալ, թե դա շատ վերացական գործառություն է, և ձեր իրական կյանքում այն երբևէ ձեզ պետք չի գա:

Մի՛ շտապեք հետևություններ անել: Պատկերացրեք, որ հայտնվել եք այնպիսի իրավիճակում, որ ձեր շուրջը եռում են մարդկային կրքերը՝ ձեզ նույնպես ներառելով այդ գործընթացի մեջ: Եվ երբ դեռևս չեք կորցրել ձեր ինքնավերահսկումը, դուք մտաբերում եք թրթռումների արագ բարձրացման գործառության մասին և կենտրոնանում ձեր իրական մասի վրա: Ի՞նչ է տեղի ունենում ձեզնից դուրս: Բոլոր մրրիկներն ու բացասական էներգիաները հայտնվում են ձեր գիտակցության մակարդակից ցած և այլևս չեն դիպչում ձեզ: Դուք անտեսանելի եք դառնում այն մարդկանց համար, որոնք դրանից քիչ առաջ շանթ ու կայծակ էին նետում ձեր կողմը: Նրանք կորցնում են հետաքրքրությունը և կան

խաղաղվում են, կան էլ իրենց ուշադրությունը կենտրոնացնում են մի այլ նյութի վրա:

Իհարկե, ես դիտմամբ մի փոքր չափազանցեցի՝ նկարագրելով գիտակցության թռիչքի իրադրությունը: Իրականում, որպեսզի ակնթարթորեն փոխվի ձեր գիտակցության մակարդակը, պահանջվում է ձեր բոլոր մարմինների շատ լուրջ նախապատրաստվածություն: Բոլոր ձեր մարմինները թրթռանքների շատ մեծ տիրույթում պետք է կարողանան դիմանալ ծանրաբեռնվածությանը: Այդ դեպքում թռիչքը ձեզ համար իրականանալի կդառնա: Մարդկանց մեծամասնությունը թրթռում է հաճախությունների շատ սահմանափակ տիրույթում: Եվ նրանցից շատերը նույնիսկ չեն նկատում այն, ինչը բառացիորեն տեղի է ունենում իրենց քթի տակ, բայց պատկանում է ավելի բարձր թրթռանքների տիրույթին:

Նրան, ով ունակ է ընդարձակելու իր գիտակցությունը և ընդգրկելու թրթռիչների մի քանի հարակից օկտավաներ, մատչելի են դառնում և՛ ֆիզիկական, և՛ նուրբ աշխարհները: Տարածական թրթռանքների յուրացման գործառնությունը հիմնականներից մեկն է եղել անցյալի ձեռնադրումների դպրոցներում: Եվ եթե աշակերտը կարողանում էր կարճատև ժամանակի ընթացքում դիմանալ տրամագծորեն հակառակ թրթռանքների, ապա համարվում էր, որ նա հասել է ձեռնադրման այնպիսի մակարդակի, որ նույն այդ գործառնությունը կարող է սովորեցնել ուրիշներին:

Բանն այն է, որ որպեսզի բոլոր մարմինների թրթռանքներն ակնթարթորեն ամենացածրից անցնեն ամենաբարձրին, պահանջվում է, որ բոլոր մարմինները պատրաստված լինեն դրան: Մարմիններից և ոչ մեկը չպետք է ծանրաբեռնված լինի ավելորդ բեռով: Այդ դեպքում բոլոր մարմինները հաշված վայրկյանների ընթացքում ցած կիջնեն սարից և նույն հաշված վայրկյանների ընթացքում էլ կելնեն սարի գագաթը: Խոսքս այն

մասին է, որ մարմիններից յուրաքանչյուրը՝ ֆիզիկականը, աստեղայինը, մենտալայինը և եթերայինը, չպետք է ծանրաբեռնված լինեն կարմայով: Ոչ մի կողմնակի միտք, ոչ մի ցածրակարգ հույզ, ֆիզիկական մարմնի ոչ մի աղակտուտակ չպետք է լինի: Երբ մարմինները պատրաստ են նման ծանրաբեռնվածությանը, մարդը դառնում է ձեռնադրյալ:

Իհարկե, երկար ժամանակ է պետք, որպեսզի մարդիկ կարողանան իրենք իրենց տիրապետել թրթռանքների տարբեր մակարդակներում և գիտակցորեն մի մակարդակից անցնեն մյուսին:

Ձեր ժամանակները ձեզ տալիս են նման հնարավորություն, որպեսզի, չկտրվելով սովորական կյանքից, յուրացնեք թրթռանքների ակնթարթային փոփոխության այս գործառնությունը:

Միայն մի՛ մոռացեք, որ որպեսզի տիրապետեք այդ մեթոդաբանությանը, հարկ կլինի, որ փոխեք ձեր ողջ կենսակերպը և ձեր կյանքը նվիրաբերեք միայն մի խնդրի՝ բոլոր կենդանի էակներին Սպասավորելուն:

Քանզի եթե այդ մեթոդաբանության յուրացման ձեր շարժառիթն այն է, օրինակ, որ հասնեք գերազանցության, ապա ձեր մենտալ կամ զգայական մարմնում կառաջանա արգելապատնեշ, որը ձեզ հնարավորություն չի տա անցնելու թրթռանքների մի մակարդակից մյուսին:

Հաջորդ փուլը տարածության մեջ ակնթարթորեն տեղաշարժվելն է:

Սակայն ինձ թվում է, որ ձեզ համար առայժմ բավարար կլինի, որ յուրացնեք այն ավելի պարզ մեթոդաբանությունը, որը ես շարադրեցի մեր այսօրվա զրույցում:

Ես երջանիկ կլինեմ Լույսի եթերային օկտավաներում հանդիպելու ձեզնից նրանց հետ, ովքեր հասած կլինեն հաջողությունների:

ԵՍ ԵՄ Կուլթուրին

ՏԵՐ ՀԻՍՈՒՍ

3 հունվարի, 2009 թ.

ՃՇՄԱՐՏՈՒԹՅՈՒՆԸ, ԱՍՏՎԱԾ, ՍԵՐԸ ՁԵՐ ՆԵՐՍՈՒՄ ԵՆ

ԵՍ ԵՄ Հիսուս՝ խրատներ տալու համար ձեզ այցի եկածը:

Այսօր ես եկել եմ, որպեսզի փոխեմ ձեր որոշ հայացքներն ու համոզմունքները, որոնք վերաբերում են ինձ և այն Ուսմունքին, որն աշխարհին տվեցի 2000 տարի առաջ:

Տիեզերական չափանիշներով այնքան էլ շատ

ժամանակ չի անցել իմ այդ Ուսմունքը տալուց հետո: Սակայն այն աղավաղումները, որոնք արվել են շատ մարդկանց կողմից, այնքան են խեղաթյուրել նախնական իմաստը, որ ես ինքս էլ երբեմն դժվարությամբ եմ կռահում այն արտահայտությունների իմաստը, որոնք գրառված տեսքով այժմ առկա են աստվածաշնչյան գրքերում:

Իմ ավետաբանությունն անհամեմատ ավելի լայն էր, քան այն մեկնաբանությունները, որոնք յուրացրել ու գրի են առել իմ աշակերտները: Իսկ տեքստերի հետագա կատարելագործողներն ավելի շատ աղավաղումներ են մտցրել: Նրանցից շատերն անկեղծորեն ցանկացել են ավելի լավ մատուցել բովանդակությունը, բայց, իհարկե, այնպես, ինչպես իրենք են հասկացել: Մյուսների հայեցակետում իմ կողմից տրված Ուսմունքի շատ դրոյթներ ընդհանրապես չեն տեղավորվել և հանգիստ դեն են նետվել: Ուստի ֆիզիկական ուրտից իմ հեռանալուց ընդամենը երեք հարյուր տարի անց դուք ստացել եք մի Ուսմունք, որը միայն հեռավոր նմանություն ունի իմ կողմից տրված Ուսմունքի հետ: Համեմատության համար կարելի է բերել մոմի ու արևի օրինակը: Ահա այդ համամասնությամբ է ներկայիս քրիստոնեության մեջ մնացել իմ տված Ուսմունքի բուն էությունը:

Բայց հիմքն այնուամենայնիվ դրվել է: Եվ իմ միջոցով տրված աստվածային հնարավորությունը նպաստել է այն բանին, որ Ուսմունքը դառնա կենսունակ, որ շատ հարյուրամյակների ընթացքում փնտրող շատ սրտեր այդ Ուսմունքում գտնեն սփոփանք ու մխիթարություն: Ուսմունքի բարեշնորհանքը փոխանցվել է ոչ այնքան աստվածաշնչյան տեքստերի, որքան այն առարկաների, պատկերների միջոցով, որոնք հագեցվել են մեր ներկայությամբ. նաև այնժամ, երբ սրբապատկերների վրա կենդանություն են առել իմ և Աստվածամոր պատկերները:

Եվ շատ փնտրողներ մեր պատկերների միջոցով կարողացել են անմիջականորեն միանալ մեր ներկայությանը, անմիջականորեն ըմպել Աստծո բարեշնորհանքը՝ մեր պատկերները որպես փոխանցիչ օգտագործելով ֆիզիկական ուրտում:

Այն հայրերը, որոնք Աստծուն փնտրելու նպատակով հեռացել են անապատ, Նրան գտել են իրենց սրտի անդորրության մեջ: Եվ բարեշնորհանքը՝ Աստծո հայտնությունների անփոփոխ ուղեկիցը, այցելել է նրանց ամենալավար ձմեռային երեկոների ու գիշերների ընթացքում:

Եվ նրանց գիտակցության արշալույսը թույլ է տվել, որպեսզի շատ հարյուրամյակների ընթացքում մեր Ուսմունքի հիմքերը պահպանվեն մարդկանց մտքերում: Եվ այդ հիմքերը մենակյաց հայրերի սրտերից փոխանցվել են նրանց սրտերի մեջ, ովքեր այցելել են այդ մենակյացներին, որ մխիթարություն գտնեն իրենց հոգու համար:

Աշխարհում շատերն են սրտի կարոտ ապրել: Եվ հիմա ևս շատ-շատերը կարոտ են ճշմարիտ Հավատի: Շատերը կան, որ օգնության կարիք են զգում:

Մենք օգտագործում ենք ֆիզիկական ուրտի ամեն մի կիզակետ, որպեսզի երևան հանենք մեր ներկայությունը և մխիթարություն տանք այն սրտերին, որոնք այնքան խորտակված են, այնքան են իրենց աղքատ ու զուրկ զգում ճշմարիտ Հավատի

բացակայության պայմաններում, որ աստվածային հնարավորությունը նրանց համար բացվում է Աստվածամոր ժպիտով՝ վանքի ճարճատող մոմերի յույսի ներքո:

Երբ հնարավոր է լինում, պապակ սրտերին մենք տալիս ենք առավելագույնը: Եվ մեզ չեն վրդովում ո՛չ Ուսմունքի խեղաթյուրումը, ո՛չ էլ եկեղեցական ծեսերը: Այդ ամենի միջով մենք կարող ենք մեր ձեռքը մեկնել օգնության կարիք ունեցող սրտերին:

Շատ մարդիկ այցելում են եկեղեցի: Մենք նրանց մխիթարություն ենք տալիս: Ոմանք էլ այլ ճանապարհ են փնտրում՝ շրջանցելով եկեղեցին. և մենք նրանց տալիս ենք այդ ճանապարհը:

Կարևոր չէ, թե ինչ ուղով են ընթանում մարդիկ: Կարևոր է նրանց սրտի որակն ու Հավատի աստիճանը: Եվ նրանք մեզ կգտնեն նույնիսկ անապատում:

Ամենից վատն այն է, երբ մարդիկ կորցնում են հավատը կամ սկսում են ուրիշ մարդկանց աստվածային մղումներն օգտագործել, որպեսզի ինչոր բան ձեռք բերեն անձամբ իրենց համար կամ լուծեն անձնական խնդիրներ:

Այն ժամանակ, երբ եկել էի, ես հատկապես դրամ դեմ էի խոսում: Խոսում էի դպիրների ու փարիսեցիների երկերեսանիության մասին, որոնք գրվածքների բարեպաշտական և խորիմաստ խոսքերի քողի տակ իրենց մութ գործերն էին անում և երեկոյան ուրախ-ուրախ շփում ձեռքները, որ հաջողվել է անմեղ գառներից հերթական մեծ պատառը պոկել:

Ինչպես ես, այնպես էլ Աստծո բոլոր դեսպանները բոլոր ժամանակներում ընդվզել ենք երկերեսանիության ու կեղծավորության դեմ: Աստծո Ճշմարտությունը պարզ է: Աստծո Մերը բաց է բոլորի համար: Ամեն ինչ մակերեսի վրա է, և որպեսզի ձեռք բերվի Աստծո Իմաստություն, փողի կարիք չկա: Աստված ամեն ինչ բոլորին ձրի է տալիս:

Ձեզ միայն պետք է, որ դեսպի փակուղի տանող հազարավոր ճանապարհների ու մայրուղիների միջից առանձնացնեք այն նեղ արահետը, որը ձեզ կհասցնի աստվածային գագաթ:

Պետք է հասկանաք, որ ճշմարիտ Հավատն ընդհանուր ոչինչ չունի ծեսերի ու արարողակարգերի հետ: Ճշմարիտ Հավատը ձեր սրտերի մեջ է: Եվ Աստված ապրում է ձեր սրտերում: Եվ այն մարդկանց համար, ովքեր իրենց սրտերում գտել են ճշմարիտ Աստծուն, տարբերություն չկա, թե ո՞ր տաճարը կմտնեն աղոթելու համար:

Կարևոր չէ՝ բուրդիստակամ վանք եք մտնում, քրիստոնեական եկեղեցի՞, սինագոգ, մզկիթ, թե՛ աղոթատուն. եթե գնում եք դեսպի Աստված, ապա նրան կգտնեք ամենուրեք:

Իսկ եթե ձեր սրտերը դատարկ են, ապա Աստծուն ոչ մի տեղ չեք գտնի:

Ծիսական խոսքերի ու աղոթքների մեխանիկական կրկնությունը, եթե դրանք արտաբերվում

են առանց անկեղծության ու ներքին Հավատի, ձեզ ոչ մի օգուտ չի տա: Հազար տարի կարող եք աղոթել, բայց եթե միաժամանակ վատն եք կամենում ձեր մերձավորին, ապա ձեր աղոթքներն ու ջանքերը գորշի արժեք չունեն: Ոչ մի Հավատ չի կարող արդարացնել ձեր այն հանցանքները, որոնք գործում եք «հանուն Աստծո»:

Խնդրում եմ ամենայն ուշադրությամբ վերաբերվել իմ այսօրվա խոսքերին: Ես կարեկցում եմ այն մարդկանց, ովքեր փնտրում են Աստծուն, բայց չեն կարողանում գտնել: Եվ որքան շատ են այնպիսիները, որոնք օգտագործում են նրանց ազնիվ մղումը, որպեսզի շահ ստանան դրանից:

Հավատի խնդրի ամբողջ արմատը ձեր սրտերի մեջ է: Եվ Աստծո հավատարիմ ու նվիրյալ սպասավորների դուք կարող եք գտնել աշխարհի

բոլոր կրոնների ներսում: Բայց կարող եք և գտնել նրանց, ովքեր Աստծուն ծառայելու քողի տակ ծառայում են իրենց էգոյին ու սատանային, որը տիրել է իրենց սրտերին:

Ես եկա, որպեսզի հիշեցնեմ ձեզ, որ Ճշմարտությունը, Աստված և Սերը ձեզնից դուրս ինչ-որ տեղ չեն: Նրանք բոլորը ձեր ներսում են: Եվ մենք կօգնենք, որ ձեր սրտերում գտնեք այդ հարստությունները: Խնդրեք մեզնից օգնություն: Դիմեք մեզ կոչերով ու աղոթքներով: Ձեր անկեղծ կոչը կարող է հասնել ցանկացած Վեհապետի, իսկ մենք չենք կարող չարձագանքել, քանի որ ձեր կոչին պատասխանելը մեր պարտքն է և մեր սրբազան պարտականությունը:

ԵՍ ԵՄ Հիսուս

ՄԱՅՐ ՄԱՐԻԱՄ

4 հունվարի, 2009 թ.

ՄՐՏԱԿԻՑ ԶՐՈՒՅՑ

ԵՍ ԵՄ Մայր Մարիամը՝ եկել եմ, որ, ինչպես միշտ, զրույց վարեմ ձեզ հետ, սրտակից, սրտեփրոտ զրույց: Երբ խոսում է սիրտը, խելքը լռում է: Եվ մեր միջև ճշմարիտ հաղորդակցությունը հնարավոր է միայն այնժամ, երբ իրար հետ կապ ենք հաստատում սրտի մակարդակով:

Ձեզ չի բավականացնում Սերը: Չի բավականացնում Լույսը: Երբեմն դուք բառացիորեն շնչասպառ եք լինում Աստծո էներգիայի պակասությունից, ինչպես թթվածնի պակասությունից:

Հարկ է, որ ավելի շատ ժամանակ հատկացնեք ինձ հետ սրտակից զրույց վարելուն:

Ես պատրաստ եմ լսելու ձեր բոլոր տրտունջներն ու խնդրանքները: Մի՛ ամաչեք: Ես գիտեմ, որ հատկապես տղամարդիկ են շատ ամաչկոտ իրենց հույզերը դրսևորելիս: Եվ այնժամ, երբ գալիս է մեր հաղորդակցության յուրահատուկ պահը, նրանք հապճեպ սրբում են պատահաբար այլերից հոսած արցունքը:

Մի՛ ամաչեք լաց լինելուց: Ձեր հոգին կարող է ճշմարիտ հաղորդակցության: Դուք փնտրում և ձեր աշխարհում չեք գտնում ձեր իդեալը: Եվ տղամարդիկ, ն՛ կանայք: Դուք մարմին եք տենչում, բայց իսկական Սերը դրսևորվում է հոգու մակարդակով և նույնիսկ ձեր Բարձրագույն Ես-ի մակարդակով:

Մի՛ ամաչեք, երբ ինձ հետ հաղորդակցության ժամանակ ձեր այքերն արցունքով են լցվում: Անցած կյանքերում շատ անգամ և արդեն այս կյանքում էլ դուք թույլ եք տվել ոչ այնքան գեղեցիկ

արարքներ կանանց՝ մայրերի ու քույրերի հանդեպ: Եվ թողեք, որ այդ անվայել արարքները լուծվեն արցունքներով և բացասական էներգիաներն անվերադարձ լքեն ձեզ:

Ձեր զղջումը, նույնիսկ եթե չեք էլ հասկանում, որ զղջում եք, ձեզ համար նոր հնարավորություն է բացում՝ աշխարհին ուղղված նոր հայացք:

Մի՛ ամաչեք ձեր արցունքներից: Դրանք իրենց հետ տանում են այն կարման, որը ստեղծել եք անգիտության կամ թյուրիմացության հետևանքով:

Ես ձեզ հետ եմ: Ես միշտ ձեզ հետ եմ, և դուք միշտ կարող եք ձեր կյանքի դժվար րոպեին օգնության խնդրանքով դիմել ինձ: Ես այնքան մոտ եմ Երկիր մոլորակի ֆիզիկական ոլորտին, որքան մոտ չէ և ոչ մի Վեհապետ: Հենց դա՛ է իմ հատուկ առաքելությունը: Ես հսկում եմ ձեր ընտանեկան օջախները, հսկում եմ ձեր երկիրը: Եվ պատրաստ եմ ձեզ մոտենալու ձեր առաջին իսկ կանչով:

Եվ այդ ամենը հնարավոր է դառնում ձեր ջանքերի շնորհիվ՝ Սիրո և աղոթքի այն էներգիայի շնորհիվ, որը ես ստանում եմ ձեզնից:

Ձեր՝ Վարդարան ընթերցելը, որն ինձ եք նվիրաբերում, հնարավորություն է ընձեռում, որ օգնեմ շատ ու շատ հոգիների, որոնք իմ օգնության կարիքն ունեն: Ես միշտ իմանում եմ, երբ դուք անկեղծորեն Վարդարան եք կարդում: Մեր միջև հաստատվում է էներգիայի հոսք, որը մեկ ձեզնից վեր է ելնում, մեկ ցած է իջնում ինձնից: Այդ կերպ դուք ստանում եք իմ Սիրո և Բարեգթության էներգիան:

Այնժամ, երբ շատ տխուր էք և ուժ չունեք Վարդարան կարդալու, կարող էք պարզապես մտածել իմ մասին, լսել ինձ նվիրված մեղեդիներ*։ Այդ դեպքում ձեր էներգիայի հոսքը ճիշտ նույն ձևով հասնում է ինձ, և ես զգում եմ ձեզ, ձեզնից յուրաքանչյուրին։ Աստծո ողորմածությամբ ինձ տրված է Իր բոլոր ուսուցիչներին ու դուստրերին զգալու կարողություն, երբ նրանք մտածում են իմ մասին կամ խնդրանքով դիմում են ինձ։ Ուստի այսօր դուք կարող էք առաջվա պես օգտվել այն հնարավորությունից, որը ստանում էք Երկնքից, և խնդրել ինձ, որ դժվարին պահերին օգնեմ ու օժանդակեմ ձեզ։

Երեկ Հիսուս ձեզ տեղեկացրեց, որ իմ շատ պատկերների վրա ես հաստատագրել եմ իմ ներկայությունը։ Ինքներդ էլ կարող էք դա զգալ։ Իմ որոշ սրբապատկերներ օժտված են հրաշագործ գործությամբ։ Եվ երբեմն բավարար է լինում, որ մտահայեք այդ սրբապատկերներից որևէ մեկը, որպեսզի ստանաք իմ օգնության ճառագայթը։

Այն դեպքերում, երբ հնարավորություն ունեմ ներկա գտնվելու ձեր միջավայրում (չեմ թաքցնում, որ Աստված օժտել է ինձ նման ողորմածությամբ), հնարավոր է, որ չզգաք ձեր կողքին իմ ներկայությունը։ Բայց ես կարող եմ ներկա լինել հենց այնտեղ, որտեղ դուք էք գտնվում։ Ինձ համար կարևոր է, որ ձեր շուրջը հաստատված լինի հանդարտ ու խաղաղ իրավիճակ։ Ես գալիս եմ անտեսանելի ու աննկատ, և միայն թեթև վարդաբույրով, որը միշտ ուղեկցում է ինձ, կարող էք գլխի ընկնել, որ ձեր կողքին եմ։

Ձմեռային այս օրը ես եկել եմ որոշակի նվերով, որը, հույս ունեմ, ձեզ օգտակար կլինի։ Կուզենայի ձեզ տալ սուրբ Աստվածամոր աղոթքը, որպեսզի այն օգտագործեք ձեր աղոթածամին։

«Հանուն ԵՍ ԵՄ ՈՐ ԵՄ, սուրբ Աստվածամայր, պաշտելի՛ Մայր Մարիամ, ծնկաչոք իջնում եմ քո առաջ։ Բառեր չեմ գրնում, որ արտահայտեմ իմ սրտի ողջ Սերը, որ քածում եմ առ քեզ։ Ընդունի՛ր իմ Սերն ու երախտագիտությունը։ Քեզ հայրնի է, թե ինչն է ամենակարևորն այս պահին իմ հոգու աճի համար։ Ես խնդրում եմ քո օգնությունն ու օժանդակությունը։ Խնդրո՛ւմ եմ, օգնիր, որ օրվա ունայնության մեջ չմոռանամ մեր անմիջական հաղորդակցության այն խաղաղ բույները, որոնց մասին հիշում է իմ հոգին։

Թող քեզ հետ ունեցած իմ անխաղի կասկածները լինի ինձ կյանքում և օգնի, որ չմոռանամ այն Բարձրագույն Ուղու մասին, որով մրադիր եմ քայլել իմ կյանքում»։

Ես անկեղծորեն հույս եմ տածում, որ կկարողանաք ավելի հաճախ լինել ինձ հետ ու դիմել ինձ։ Մեր ամեն մի հաղորդակցությունը, նույնիսկ դեպի իմ պատկերն ուղղված ձեր կարճ հայացքը կօգնի, որ ձեր գիտակցությունը պահեք այնպիսի մակարդակի վրա, որ անմատչելի դառնաք նրանց հարձակումների համար, ովքեր դեռ չեն գտել դեպի իմ սիրտը տանող ուղին և չգիտեն, թե ինչ են անում։

*ԵՍ ԵՄ Մայր Մարիամը,
այս օրով եղա ձեզ հետ*

ՎԵՀԱՊԵՏ ԷԼ ՄՈՐԻԱ

5 հունվարի, 2009 թ.

ԱՎԱՐՏՎԵՑ ՈՒՍՈՒՑՄԱՆ ԺԱՄԱՆԱԿԸ ԵՎ ՍԿՍՎԵՑԻՆ ԳՈՐԾՈՂՈՒԹՅԱՆ ՅՈԳԱՅԻ ԳՈՐԾՆԱԿԱՆ ՊԱՐԱՊՄՈՒՆՔՆԵՐԸ

ԵՍ ԵՄ Էլ Մորիան՝ այս օրով ձեզ այցի եկածը։ Այսօր ես եկել եմ, որպեսզի ամփոփեմ կատարված որոշակի աշխատանքը և ուրվագծեմ ապագայի պլանները։

Ընդհանուր առմամբ՝ մենք բավարարված ենք այն աշխատանքով, որն ի կատար է ածվել ֆիզիկական ոլորտում։ Մենք շատ ուրախ ենք և ողջունում ենք համայն աշխարհի այն լուսակիրներին, ովքեր արձագանքեցին մեր կոչին և օգնեցին կենսագործելու մեր մտահղացումը՝ կապված մեր

դեսպանորդի Աշրամի շինարարության, հասարակական կազմակերպության ու հրատարակչության ստեղծման հետ։ Այո, մենք շատ ուրախ ենք...

Սակայն ես եկել եմ, որպեսզի դուք չթուլացնեք ձեր դիրքերը, քանզի այն ամենը, ինչ մինչև հիմա արվել է, դեռևս սկզբնական՝ առաջին ոչ մեծ քայլն է, որ արվել է հարկ եղած ուղղությամբ։

Մի կարծեք, թե արդեն ամեն ինչ նվաճված է։ Ձեզ դեռևս անհամեմատ ավելի շատ գործ է մնում անելու, քան արդեն արվածն է։ Եվ պետք է ձեզ

* Stu՝ http://org.sirius-ru.net/ave_maria.htm

նախագգուշացնեն, որ հետագա առաջընթացը կուղեկցվի ավելի ու ավելի մեծ դժվարություններով: Ուստի ձեզնից կպահանջվի, որ դրսևորեք ձեր ողջ զգոնությունն ու ուշադրությունը:

Մենք մտնում ենք մի փուլ, որը կարող է զգալի կերպով ի ցույց հանել, թե աշխարհն ընդհանուր առմամբ ընթանում է սխալ ուղով՝ էգոյի պահանջների բավարարման, կապվածությունների, անաստվածայինի ուղով:

Ուստի այն, ինչ մենք անում ենք մեր դեսպանորդի միջոցով և ձեր անմիջական օգնությամբ ու մասնակցությամբ, կարող է դուր չգալ շատ-շատերին՝ նրանց, ովքեր որևէ փոփոխություն չեն ուզում և սովոր են գործել հին մեթոդներով:

Եվ այստեղ անփոխարինելի դեր կխաղա համախմբումը, բոլոր այն լուսակիրների համախմբումը, ովքեր պատրաստ են նոր սկզբունքների հիման վրա միավորվելու համաշխարհային Համայնքում:

Ֆիզիկական ոլորտում դուք կարող եք կառուցել բնակավայրեր և ստեղծել առանձին անկախ ավաններ: Ամեն ինչ ձեր ձեռքին է: Բայց միշտ հիշեք, որ հիմնականը ոգու Համայնքն է:

Կարմայական հանգամանքները ոչ բոլորի համար են բարենպաստ դասավորված: Ոչ բոլորն են ունակ գոտեպնդվելու և մեր առաջին կանչով ճամփա ընկնելու: Ցավոք, այն կարման և այն կարմայական հանգամանքները, որոնք կապված են ձեր ընտանիքների հետ, պետք է հանգուցալուծվեն ու կապազերծվեն առաջին հերթին:

Դուք չեք կարող, հասարակության առջև պարտքեր ունենալով հանդերձ, բնակություն հաստատել մեր Համայնքներում: Չեք կարող մի կողմ հրել ձեր զավակներին և մղվել դեպի ապագա:

Ձեզ չի հաջողվի, որ ձեր ընտանեկան ու ներքին խնդիրները չլուծած՝ դառնաք արժանավոր համայնավարներ: Այո, մեզ նմուշօրինակ է պետք ունենալ ֆիզիկական ոլորտում. բայց բանն այն է, որ այն կազմակերպելու համար անհրաժեշտ է ունենալ մաքուր ձեռքեր ու սրտեր:

Ձեր հագուստի ամեն մի բիծն անհավատների գիտակցության միջոցով կբազմապատկվի, և նրանք ողջ աշխարհին կպատմեն, թե որքան փնթի եք դուք ու չեք հետևում նույնիսկ ձեր հազ ու կապին:

Ուստի առաջնահերթ հարց է դառնում այն մարդկանց գտնելը, ովքեր արդեն պատրաստ են և իրենց նախորդ մարմնավորումների ընթացքում արդեն ապացուցել են Եղբայրությանն իրենց հավատարմությունը՝ իրենց վրա ավելորդ կարմայական բեռ չավելացնելով:

Միայն այդպիսի համայնավարները, միայն այդպիսի աշխատակիցներն են ունակ դառնալու Համայնքի կորիզը, իսկ մյուսները, ովքեր մուտք կգործեն Համայնք, կջանան հետևել վարքի, գործերի ու տնտեսավարման այն նմուշներին, որոնք կհաստատվեն առաջատարների կողմից:

Ձեզ վիճակված է ամեն ինչ սկսել դատարկ տե-

ղում: Չկան նմուշօրինակներ, որ մենք ձեզ հանձնարարենք նմանակման համար: Կա տեսություն, կան համայնքի շինարարությանը վերաբերող ամբողջական հատորներ, բայց չկան մարդիկ, որ այդ ուղեցույցները կյանքի կոչեն գործնականում:

Ես կպաշտպանեմ իմ Համայնքը: Ես ներկա կլինեմ ձեր բոլոր գործերում: Ես կկարողանամ պաշտպան կանգնել մեր ամբողջի ու մեր առաջապահ դիրքին: Բայց ասվածից չի հետևում, որ ձեր բոլոր գործերում ամբողջովին պետք է հենվեք իմ ու Աստծո վրա: Ձեզ վիճակված է թևքերը քշտել և ֆիզիկական ոլորտի ողջ անհրաժեշտ աշխատանքը կատարել ինքնուրույն:

Ես ձեզ կօժանդակեմ նուրբ ոլորտից: Կպաշտպանեմ նրանց ոտնձգություններից, որոնք չարամիտ էակների ազդեցության տակ են գտնվում և դիվոտում են հենց միայն Համայնք բառը լսելուց: Սակայն այդ դիվոտներին հիվանդանոց տանելն ու Համայնքը նման տմարդիներից պաշտպանելն արդեն ձեր գործը պետք է լինի:

Ես նախագգուշացնում եմ ձեզ, թե ինչ կարող է պատահել, և ինչպիսի խոչընդոտներ կարող են կանգնել ձեր ուղու վրա: Ուստի դեռևս հաղթանակ մի տոնեք, քանի դեռ դուրս չեք եկել մարտադաշտ: Կարող եք և տեղ չհասնել:

Դեռ վաղ է դափնեպսակ կրելն ու հանգստի մասին մտածելը: Մեր գործը դեռ եռման գագաթնակետին է: Եվ պահանջվում է ներդնել ձեր ողջ զգոնությունը, ճարպկությունն ու հմտությունը, որպեսզի չձախողվեք և չընկնեք բյուրոկրատների ու պաշտոնյաների խորամանկորեն հյուսված որոգայթների մեջ:

Այժմ մարտի դաշտը տեղափոխվել է բյուրոկրատների աշխատասենյակները, դատարաններն ու տեսչությունները: Ուստի հարկ է, որ իմանաք օրենքներն ու գործեր վարելու ձևերը:

Գործը հեշտ էր, երբ ամեն ինչ որոշվում էր մարտադաշտում: Դեռ առ դեռ թշնամին կանգնած էր և սպառնալից հայացքը հառել էր ձեզ: Հիմա բոլորը սիրալիբ ժպտում են, բայց և թաքուն առաջ տանում իրենց չար գործը: Եվ չեք իմանա, թե ո՞ր աշխատասենյակում են բնավորվել նախանձի իժն ու վրիժառության կարիճը:

Ավարտվեց ուսուցման ժամանակաշրջանը, և սկսվեցին գործողության յոգայի գործնական պարապմունքները:

Ցույց տվեք, թե ինչեր կարող եք անել և թե որքանով հավատարիմ կարող եք մնալ Վեհապետների պատգամներին առօրյա ունայնության ու բյուրոկրատական խառնաշփոթի պայմաններում:

Դուք շատ անելիքներ ունեք: Նման բան դեռևս մտահղացված չի եղել: Պլանն առկա է, և անհրաժեշտ է այն կյանքի կոչել:

Իսկ ձեր մեջ կամավորներ կան արդյոք...

ԵՍ ԵՄ ԷՆ Մորիան

ՏԵՐ ՇԻՎԱ

22 ապրիլի, 2009 թ.

**ԴՈՒՔ ՎԿԱ ԵՔ ԴԱՌՆՈՒՄ ՆՈՐ
ՀԱՐԱԲԵՐՈՒԹՅՈՒՆՆԵՐԻ
ԱՌԱՋԱՑՄԱՆԸ ՄՈԼՈՐԱԿԻ ՎՐԱ
ԵՐԱԾ ԳՈՐԾՈՒՆԵՈՒԹՅԱՆ ԱՄԵՆ
ՄԻ ՈԼՈՐՏՈՒՄ**

ԵՄ ԵՄ Շիվան... ԵՄ ԵՄ եկել այս օրով...

Եկել եմ այն բանի համար, որ ուղերձ տամ. եկել եմ, որ վստահեցնեմ ձեզ այն բանում, որ Երկրին վերաբերող մեր պլաններն ի կատար կածվեն՝ չնայած մեզ հակադիր ուժերի կողմից ցուցաբերվող հսկայական դիմադրությանը:

Ես եկել եմ, որպեսզի ուժ ներարկեմ մեր դեսպանորդին: Ես միշտ այնտեղ եմ, որտեղ անհրաժեշտ է ուժերի գերակշռություն ապահովել:

ԵՄ ԵՄ Շիվան՝ պատրանքներ խորտակողը...

Եթե դուք կամենում եք, որ պատրանքի ուժերը որքան հնարավոր է արագ լքեն Երկիրը, ապա հարկ է, որ ոչ մեծ Ուսմունք յուրացնեք այն մասին, թե ինչպես պետք է ձեզ դրսևորեք հիմա՝ այս բարդ ժամանակներում: Մենք անում ենք մեզնից կախված ամեն ինչ և ձեզանից էլ սպասում ենք նույնը:

Դուք նկատում եք, և անհնարին է չնկատելը, որ աշխարհը փոխվում է: Եվ դուք հասկանում եք, որ փոփոխությունների գործընթացը կշարունակվի՝ չնայած մեզ հակադրվող ուժերի դիմադրությանը, որոնք իրենց վերջին պահուստներն են օգտագործում: Կրքերի եռքն ու ճակատամարտի թեժությունը մեր ողջ ուժերի լարումն են պահանջում:

Իսկ դուք, որպեսզի պահպանեք ձեր՝ Աստծո էներգիա կրողի կարգավիճակը, պետք է միանաք վերափոխումների գործընթացին:

Մխավ կարծիք է տիրում, թե վերափոխումների ամբողջ գործընթացը կանխորոշված է, և ձեզնից ոչինչ կախված չէ:

Կարծիք կա այն մասին, թե ֆիզիկական աշխարհում ոչինչ պետք չէ անել, քանի որ այն կկործանվի, և ողջ կյանքը կփոխադրվի ավելի նուրբ ոլորտ:

Այո՛, այդպես էլ կլինի, բայց եթե դա հենց հիմա արվի, ապա մարդկության 90 տոկոսը պատրաստ չի լինի Էվոլյուցիան շարունակելու նուրբ պլանում՝ Երկիր մոլորակի ֆիզիկական ոլորտի հետ ունեցած խիստ կապվածության պատճառով:

Ուստի, որքան էլ կամենանք արագացնել վերափոխումների գործընթացը, դա մենք չենք կա-

րողանա անել՝ Կյանքի նկատմամբ ունեցած կարեկցանքի պատճառով:

Ես եկել եմ ձեր գիտակցության հերթական պատրանքն ավերելու: Իսկ այդ պատրանքն այն է, որ հիմա դուք ոչինչ չպետք է անեք:

Հասկացե՛ք, որ պետք է վերականգնել բոլոր մարմինների միջև ներդաշնակությունը: Եվ վերափոխումների գործընթացին ձեր բոլոր մարմինները պետք է մասնակցեն: Որպեսզի ինքդ քո մեջ անհրաժեշտ հատկանիշներ զարգացնես նուրբ պլան անցնելու համար, պետք է ինքդ քո մեջ յուրաքանչյուր գործ որակյալ անելու ունակություն զարգացնես և էներգիալ ուղղորդես այն բանին, որ վերափոխումների գործընթացն ընթանա որքան հնարավոր է հարթ ձևով:

Դուք ինքներդ կարող եք կարգավորել մոլորակի վրայի փոփոխությունների գործընթացը: Դրա համար հարկ է, որ կենտրոնանաք դրական բաների վրա, Աստծո, կեցության Բարձրագույն պլանի վրա: Այնժամ, երբ մտածում եք Բարձրագույնի մասին, հետևում եք Համբարձյալ Վեհապետների ցուցումներին և աշխատում Ընդհանուր Բարիքի օգտին, համատեղ աշխատանքի այդ գործընթացում հարաբերությունների նոր տեսակ է ծնունդ առնում, որը պետք է փոխարինելու գա Երկրի վրա գոյություն ունեցող հարաբերությունների հին տեսակին, ինչը կործանման է դատապարտված:

Դուք վկա եք դառնում նոր հարաբերությունների առաջացմանը մոլորակի վրա եղած գործունեության ամեն մի ոլորտում:

Հարկ է, որ հասկանաք, որ Երկիր մոլորակի ֆիզիկական պլանն Աստված կարող է վերափոխել միայն ձեր օգնությամբ: Քանի որ ձեզնից յուրաքանչյուրն աստվածային շղթայի անհրաժեշտ տարրն է: Իսկ առանց ֆիզիկական ոլորտում հարկ եղած կարգ ու կանոնը հաստատելու դուք չեք կարողանա առաջ ընթանալ Էվոլյուցիոն զարգացման ուղով:

Մոլորակի իրադրության հանգուցալուծման մյուս տարբերակը համընդհանուր աղետն է, որից

հետո ողջ կմնա Երկիր մոլորակի բնակչության ընդամենը 10 տոկոսը, որն ունակ կլինի շարունակելու էվոլյուցիան ավելի նուրբ ոլորտներում. մնացյալները տվյալ իրավիճակում կլրացնեն տիեզերքի աղբարկղը: Եվ տվյալ պահին ձեզնից յուրաքանչյուրն ինքն է որոշում, թե որ ուղով ընթանա:

Ուշադիր վերլուծեք, թե ինչով եք զբաղվում օրվա ընթացքում և ինչի մասին եք մտածում: Վերլուծվող ժամանակի և դրվագների 90 տոկոսի դեպքում կտեսնեք, որ ձեր գործողություններով ու մտքերով բազմապատկում եք պատրանքը. քանզի Աստծո էներգիան առաքում եք ոչ Աստծո՝ Երկիր մոլորակի համար նախատեսված պլանին համապատասխան:

Ուստի հարկ է, որ ավելի ուշադիր վերաբերվեք այն ամենին, ինչ ձեզ շրջապատում է, և այն ամենին, ինչի հետ բախվում եք ձեր կյանքերում:

Պատրանքն այժմ ամուր է, ինչպես երբեք: Եվ այնպիսի տպավորություն է ստեղծվում, թե այն երբեք չի կարող խորտակվել:

Մակայն բավական է՝ բարձրացնեն եռաժանիս, և վերջ կտրվի մոլորակի վրա պատրանքի դրսևորմանը: Ես գուցե եմ ինձ և փրկության հնարավորություն տալիս ամեն մի անհատի:

Արգելները, որոնք խոչընդոտում են մոլորակի վերափոխման գործընթացը, ձեր գիտակցության մեջ են գտնվում:

Մի շտապեք մեղադրել որևէ մարդու:

Սկզբում ձեր ներսը նայեք, և ժամանակի ընթացքում կկարողանաք շատ բաներ իրարից զանազանել: Կհասկանաք, որ այն ամենն, ինչով շրջապատի մարդիկ ձեզ զրգոում են, նաև ձեր մեջ է: Քանզի այն պատրանքը, որը շրջապատում է ձեզ, հենց այն պատրանքն է, որ բնորոշ է ձեր գի-

տակցությանը: Եվ այնժամ, երբ փոխում եք ձեր գիտակցությունը, սկսում են փոխվել նաև արտաքին հանգամանքները:

Այժմ ես ձեզ համար գաղտնիք կբացեմ: Դուք չեք մեռնի: Դուք կապրեք հավերժ: Եվ ծնունդների ու մահերի հերթագայման գործընթացն, այս պահից սկսած, այլ կերպ տեղի կունենա: Դուք կրկին կծնվեք և կհիշեք, թե ինչի համար եք մարմնավորվել:

Այժմ մենք աշխատում ենք նուրբ ոլորտում և թույլ ենք տալիս մարմնավորվել միայն այն հոգիներին, որոնք համաձայնում են գործել Աստծո Մտահղացմանը համապատասխան:

Մենք ընդհատում ենք այն հոգիների մարմնավորվելը, ովքեր համառում են և չեն ուզում զարգանալ: Դրանով մենք ֆիզիկական ոլորտում ավելի բարենպաստ հնարավորություններ ենք ստեղծում այն հոգիների համար, ովքեր ընթանում են էվոլյուցիոն ուղով:

Ճիշտ նման որոշում ընդունվեց նաև Ատլանտիդայի ժամանակներում: Եվ շատ հոգիների թույլ չտրվեց մարմնավորվել: Այժմ հերթագայել են բոլորաշրջանները, և կրկին Երկրի վրա պետք է բարենպաստ պայմաններ ստեղծվեն հոգիների զարգացման համար:

Մենք շատ խնամքով ենք գործում, և մենք ձեզ համագործակցության ենք կանչում:

Որքան էլ երկար դիմադրի ձեր էգոն, միևնույնն է, այն պետք է հնազանդեցվի. և եթե դուք ձեր զազանից գլուխ չեք հանում, մենք ստիպված կլինենք նրան զսպաշապիկ հագցնել որոշ ժամանակով, երկար ժամանակով կամ դրա կետով:

ԵՍ ԵՄ ՇԻՎԱՆ

ՏԵՐ ՇԻՎԱ

24 մայիսի, 2009 թ.

ՏԵՐ ՇԻՎԱՅԻ ՀԱՅՏԱՐԱՐՈՒԹՅՈՒՆԸ

ԵՍ ԵՄ ՇԻՎԱՆ...

Ես եկա... Ես պետք է հայտարարություն անեն և կուզենայի, որ դուք ամենայն ուշադրությամբ ու ակնածանքով ընկալեք այն, ինչն ուզում եմ հասցնել ձեզ:

Ամենից առաջ հարկ է, որ ինքներդ ձեզ վրա որոշակի ջանքեր գործադրեք, որպեսզի ազատվեք ձեզ շրջապատող պատրանքից: Դուք Աստծո հետ եք խոսում, ուստի ձեր մտքերում ու սրտերում ներկա պետք է լինի միայն Սեր և Երախտագիտություն առ Աստված և Բարձրագույն Օրենքը:

Դուք եք և Աստված: Որքան հաճախ է ձեզ հաջողվում դեմ առ դեմ կանգնել Աստծո առաջ և խոսել Նրա հետ:

Կարծում եմ, որ այսօրվա մեր հաղորդակցության փորձը ձեզ կմղի այն բանին, որ ավելի հաճախակի կտրվեք ձեր պատրանքից և զրուցեք Աստծո հետ:

Մի կարծեք, թե Աստված ձեզ կմոտենա այն ժամանակ, երբ թաղված եք ունայնության մեջ: Մի կարծեք, թե Աստծո ձայնը կլսեք այն ժամանակ, երբ խրված եք մարդկային գործերում:

Էական տարբերություն կա այն պլանների միջև, որում դուք եք գտնվում, և որում գտնվում եմ ես: Եվ, որպեսզի մոտենաք ինձ, հարկ է, որ խորասուզվեք իմ աշխարհի մեջ: Ինձ կարելի է հասկանալ միայն այնժամ, երբ կկարողանաք ձեր թրթռոնները բարձրացնել մինչև այն մակարդակը, որի վրա ես կարող եմ գտնվել: Ուստի ես այսօր եկել եմ այն բանի համար, որպեսզի ձեզ հիշեցնեմ, որ ձեր տրամադրության տակ շատ քիչ ժամանակ է մնացել: Դուք ամենայն պատասխանատվությամբ պետք է մոտենաք այն հանգամանքին, որ մոլորակի վրա էական փոփոխություններ են կատարվում: Եվ այդ փոփոխություններն այլևս ձեզ թույլ չեն տա ապրել այնպես, ինչպես մարդկությունն ապրել է մինչև հիմա:

Ձեր շրջապատից ոչինչ ոգեղեն աշխարհում նվազագույն նշանակություն անգամ չունի: Եվ ես եկել եմ ձեզ կանչելու դեպի ոգեղեն աշխարհ, որտեղ բոլորովին այլ արժեքահամակարգ գոյություն ունի: Իմացեք, որ քանի դեռ կապված եք պատրանքային աշխարհին, չեք կարող վեր ընթանալ: Իսկ ձեզնից նրանք, ովքեր իրենց գիտակցությամբ պատրաստ են շփվելու Բարձրագույն աշխարհների հետ, վշտանալու կամ երկյուղելու ոչինչ չունեն, որովհետև նրանց հոգիները պատրաստ են փոփոխություններին և ուրախությամբ կընկալեն սպասվող բարեփոխումները: Նրանց համար ես չեմ անհանգստանում:

Բայց կան և հոգիներ, որոնք անցմանը պատրաստ չեն, որոնք ծուլանում են փոխել իրենց գիտակցությունը և դանդաղում են իրենք իրենց փոխելու գործում: Նրանք չեն շտապում հրաժեշտ տալ նույնիսկ այնպիսի սովորություններին, ինչպիսիք են ծխելը, մետղեն ու ալկոհոլ օգտագործելը: Որքան շատ են ձեր մեջ այդպիսի բաներից կախում ունեցողները...

Ձեզ չի հաջողվի անցնել Նոր աշխարհ՝ պահպանելով ձեր կապվածությունները: Ես այսօր հենց ձեզ դիմելու համար եմ եկել: Ձեզ հարկավոր է հասկանալ, որ այլևս ժամանակ չի մնացել: Դեպի ապագայի աշխարհ թռիչքը կարող է տեղի ունենալ ամեն պահի: Կշեռքի նժարներին մի՛ դրեք Աստծուն և Մամոնային և մի՛ փորձեք հաշվարկել, թե ինչն ինչպես կլինի: Ձեզ տրված չէ մարդկային

գիտակցությամբ հասկանալ Աստծո Մտահղացումը: Ձեզ մնում է միայն ենթարկվել Նրա Օրենքին և անվախ հետևել Նրան:

Ջի դա է միայն այն փակուղուց դուրս գալու ձեր ելքը, որին դուք ինքներդ եք հասել: Ձեզ է, որ դիմում եմ, և ձեզ է, որ տալիս եմ ևս մեկ հնարավորություն:

Հրաժարվեք ունայնից, դադարեք վազվզել դեռ ու դեն: Ձեր գիտակցության վիճակով կորոշվի ձեր ապագան: Ձեր գիտակցության այն վիճակով, որը կմնա խաղաղ՝ անկախ այն բանից, թե ինչեր կկատարվեն ձեր շուրջը:

Իմ նվիրյալներին ես կխնդրեի «ՕՄ ՆԱՄԱՀ ՇԻՎԱՅԱ» մանտրան կարդալ, բայց քանի որ իմ ճշմարիտ նվիրյալներն աշխարհում շատ քիչ են, ապա ձեզ համար լավագույն ելքն այն կլինի, որ պահպանեք գիտակցության այն ամենավերամբարձ վիճակը, որը հասանելի է ձեզ համար: Դուք կարող եք անմահություն ձեռք բերել և անցում կատարել Նոր աշխարհ՝ միայն հավատարմություն պահպանելով Աստծո և Բարձրագույն Օրենքի նկատմամբ:

Իսկ ձեզնից նրանք, ովքեր իմ ուղերձը կարդալու ժամանակ ապրում են հեզմանք, կասկածանք և ձեր մարմնական խելքին հատուկ քննադատություն, ինձ հետ կարող են հույսեր չկապել: Եվ ձեր փրկության գործը ես ձեր ձեռքն եմ հանձնում:

Աշխարհում շատ չեն մնացել այնպիսի մարդիկ, ովքեր կարող են և պետք է փրկվեն: Մնացած մարդիկ իրենք են կատարում իրենց ընտրությունը և արդեն կատարել են:

Տիեզերական ժամկետները, որքան էլ դրանք մարդկային մակարդակով հարատև թվան, այնուամենայնիվ ունեն իրենց սկիզբը և ավարտը:

Ուստի և այսօր, ինչպես մեկ ամիս առաջ, ես եկել եմ միակ նպատակով. այն է՝ ձեզ հնարավորություն տալ դուրս պրծնելու պատրանքային աշխարհի սարդոստայնից և դուռ բացելու դեպի Աստծո Աշխարհ:

Հիմա ժամը հասել է: Վաղը կարող է չափազանց ուշ լինել:

ԵՍ ԵՄ ՇԻՎԱՆ, ԵՍ ԱՄԵՆ ԻՆՉ ԱՍՏՄԻ...